

太上洞玄灵
宝授度仪

陆修静

文硕阁

wenshuoge.com

目录

关于我们	3
提要	5
太上洞玄灵宝授度仪	6

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

经名：太上洞玄灵宝授度仪。南朝宋道士陆修静编撰。言传授古《灵宝经》之科仪。一卷。底本出处：《正统道藏》洞玄部威仪类。

太上洞玄灵宝授度仪表

臣修静依栖至道，翹伫灵文，造次弗忘，幸会有数，顾使草茅之品，获披龙凤之章。妙重尊严，非所堪胜，诚欣诚惧，冰炭于心。自从叨窃以来一十七年，竭诚尽思，遵奉修研，玩习神文，耽味玄趣，心存目想，期以必通，秉操励情，夙夜匪懈。考览所受，粗得周遍，自觉神开意解，渐悟理归，宛义妙致，本自仰绝，其粗迹近旨，谓可彷彿。伏寻灵宝大法，下世度人，玄科旧目，三十六卷。符图则自然空生，赞说皆上真注笔，仙圣之所由，历劫之荃范。文则奇丽尊贵，事则真要密妙，辞则清虚玄雅，理则幽微浚远。標明罪福，权便应适，戒律轨仪，导达群方。灵音八振，聋盲开豁，法门四达，巨细获所，洋洋大化，无量法桥。但正教始兴，天书宝重，大有之蕴，不尽显行。然即今见出元始旧经，并仙公所禀，臣据信者，合三十五卷，根末表裏，足相辅成；大乘之体，备用不少。但授度威仪，唯有二表；关奏启请，无其典式。若圣人传法，则天真列具，不假名引之烦。今下俗滓秽，必须神官感通达御。既阙成科，於愚夫罔厝。自灵宝导世以来，相传授者，或总度三洞，同坛共盟，精粗糅杂，小大混行。时有单受洞玄，而施用上法，告召错滥，不相主伍。或采搏下道黄赤之官，降就卑猥，引屈非所，颠倒乱妄，不得体式，乖违冥典，迷误后徒。臣每晨宵叹惋，内疚泣血。既真师渺邈，不可希期钻求，世学永无其文，事要急用，实宜充备。臣敢以器瞋，窃按金黄二录、明真玉诀、真一自然经诀，准则众圣真人授度之轨，敷三部八景神官撰集登坛盟誓，为立成仪注。既幽玄远绝，非肉眼可测；神明事微，岂尸愚所体？执笔战悚，形魂交丧，惧以谬越致罪，又虑造作招考，进退屏营，如蹈刃毒。缮治虽竟，不敢擅用，谨洁身清斋於三宝御前，诵读一过。恩惟太上众尊、玄中大法师，垂神照鉴，矜察所启。若万有一毫之补，合请施行，如其不允，辄当毁除。可否之宜，要以灵瑞为证，愿特赐告效，伏须感应。谨启。臣修静诚惶诚恐、稽首再礼以闻。

臣陆修静谨进。

太上洞玄灵宝授度仪

《黄录简文灵仙品》云：奉受经法，当为三师开度弟子一十九人，建功立德，诸天有名，乃得登坛告盟，佩受五老赤书真文玉篇，三部八景二十四真，天仙乘骑上真之官。功名不立，轻受大法，三官所执，生死苦对，考由明法曹。

明真科云：盟用金钱二万四千，以质二十四炁生官。重真之信阙，则三部八景之神不度人命籍。无金钱，铜亦可准。都阙，考属都神曹。

明真科云：用上金五两，以盟五岳，为宝经之信。

《玉诀》云：上金九两，上誓九天，阙则犯慢经之科。五岳灵山不领人学籍，考属阴官曹。

明真科云：用五方纹绶各四十尺，以关五帝为告誓之信；阙则五帝不受人名，为五帝魔王所坏，使人志念不专，考属水官泉曲曹。

明真科云：用金龙、金钮各三枚，投山水土，为学仙之信。不投此，三官拘人命籍，求乞不达。有违考属九都曹。

《玉诀》云：裂南和丹绶五尺，绛纹绶也。为巾於案上，请《灵宝五篇真文》及五符。

《玉诀》云：割碧林之帛五尺青纹绶也。为巾以覆真文符上。

《玉诀》云：令真文五符处丹青中间，以为落发歃血之盟也。青以代发，丹代歃血之盟誓，真人不伤神损德，故以代之尔。

《玉诀》云：五种杂和之香，经乃不记多少，尝用二斗五升可足。又应须五彩杂华一斗，准真人授度时以散十方用之。大席五领，七章案，五香炉奁，又本命绶随年尺数。

右八件物，登坛事信誓用之。

《玉诀》云：春用甲寅、乙卯，夏用丁巳、丙午，四季用戊辰、戊戌、己未、己丑，秋用庚申、辛酉，冬用癸亥、壬子。建王之日登坛也。

《玉诀》云：当於灵岳作高坛，四方栏纂，东西南北王上开五门，安五榜，榜文如

左：

九炁青天安宝华林青灵始老君，苍帝君，九炁青牙天君，太上真玉青腰玉女，东乡诸灵官。青华元阳门。青书赤地，安东门上。

三炁丹天梵宝昌阳丹灵真老君，赤帝君，朱丹三炁天君，元炁丈人，朱宫太丹玉女，南乡诸灵官。洞阳太光门。赤书黄地，安南方门上。

元洞太帝天玉宝元灵元老君，太帝真人，子丹黄庭戊己天苍玉女，中黄大帝官君。元黄高晨门。黄书白地，安正门上。

七炁白天七宝金门皓灵皇老君，白帝君，明石七炁大夫，太上白素玉女，西乡诸灵官。通阴金阙门。白书黑地，安西方门上。

五炁玄天洞阴朔单郁绝五灵玄老君，黑帝君，玄滋五炁天君，太上灵君，夜光玉女，北乡诸灵官。阴生广灵门。黑书青地，安北方门上。

九天众灵，五岳名山真人，江河四渎三官九府诸灵官、地仙、玉女，五岳飞仙神仙，诸仙官君。元黄高晨门。紫书黄地，安正门左。

右六榜安着五门上，东西南北四门，依位各一榜。正门上施戊己，九天二榜，着门之左右也。用香炉五枚，施置坛之内。五方以五色缯彩着五案下，又别用一案於坛中，请真文五符经文。又用一案，以奏表度事，合七案。金钱之物，列度事案前。

《黄录简文》云：受法当依明科，赍信诣师，对斋七日，黄缯章表，奏言诸天所受书文。露坛一宿，无有风炁，文不吹摇，骨名合法，告盟而传；为风所吹，使退斋三日，便如先法。三过被风，其人先无玄名善功，三界不举，五帝不保，骨炁不合，不得轻传。考由司正曹。

灵宝大盟宿露真文，拜表出官，启奏次第如左：

於名山坛地置竟，师与弟子俱从地户入，左回，师入内坛王门，北向三捻香。先以弟子所受真文二籙箴着案上。

弟子往外坛，南面北向三拜，伏地稽首对章，师鸣天鼓三十六通。

次发炉如法，

次出官。

谨出臣身中五体真官功曹吏，出臣身中三洞飞仙，上三天执法开化阴阳功曹、度道消灾散祸解厄君吏，各十一人出。上高真臣身治职君吏，某治建节监功大将军，前部效功后部效杀驿庭令、驿庭丞，四部监功谒者，臣身中仙灵直使正一功曹、治病功曹、左右官使者，阴阳神决吏、科车赤符吏、刚风骑置驿马上章吏等，各二人出。出者严装显服，冠带垂纓，整其威仪。直使功曹戴通天之冠，衣皂执单衣；正一功曹冠朱阳之帻，绛章单衣；使者冠九德之冠，五色寿命单衣，腰带虎符，左佩流金火铃，右佩豁落七元，齐执玉简。直使功曹住立中央，治病功曹营卫臣身，左官使者持幢在前，右官使者建节在后，阳神决吏立左，阴神决吏立右，上部功曹远望上天，中部功曹远瞻八方，促炁功曹催促十方，都官使者匝绕臣身。郎吏虎贲，察奸钩骑都官仆射，天绹甲卒，天丁力士，收炁食炁吏，收神食神吏，收鬼食鬼吏，收精食精吏，收毒食毒吏，收邪食邪吏，诛符破庙吏，科车赤符吏，刚风骑置驿马上章吏，飞龙骑吏，屯住臣等前后。左右功曹使者，严装事竟，罗列卤簿，关启灵宝官属，监斋仙王，典经侍郎，卫灵司马，三洞诸君官将吏，天师所布下二十四治、三十六靖庐、七十二福地、三百六十名山昆仑等上官三万六千余神，日月星宿、璇玑玉衡、天地五帝、三界官君将吏，及道上二玄三元四始，四面方位风炁炁甲子诸官君将吏，考召东九夷胡老君、南八蛮越老君、西六戎氏老君、北五狄羌老君、中央三秦炁老君、五岳四渎丘沼君，诸庙神所在高山卑谷山林孟长、十二溪女、根源本始土地之主，社稷将吏，一时严装，与臣身中功曹使者、飞龙骑吏，上启太上玄元太上大道君、太上老君、太上丈人、无上玄老、十方无极大道道德众圣天尊、至真大帝、天帝、天师、女师、三师君、夫人门下，行文书事十二书佐，按章从事，操臣谨授上学道士某甲等灵宝大法灵真文、八景内音二篆黄素表一通，在玉案上，请省。出官讫。

次读表文，

次重约敕。

重敕臣身中五体真官、官一小吏、十二书佐，严装显服，冠带垂纓，及时操臣拜露真文章表，上诣太上曹，随事进对。误字为易，脱字为益，若言辞倒错，寻逐治正，必使上合，无令上官有所谴却，六天群魔、下官故炁，断截公文，分别关奏，以时上达，伏须告报。

次起北向，叩齿九通，祝曰：

高上元始，九天灵尊，上真玄遐，道幽琼轩，三五运推，七宿改晨，虚皇控轡，五帝定仙，青宫总录，符命灵山，是日元吉，万真开陈，上学甲乙，宿命因缘，得遇神经，上皇宝篇，谨於玄岳，上盟九天，下告五帝，十二河源，乞丐记领，奏上高晨，普告万灵，列位皇坛，营卫威式，按如太真，须到明日启传。

次复官。

臣身中功曹使者、篆上将军吏兵、上章之官，效力事讫，还入臣身中，在左还左，在右还右，安隐九宫六府、金堂玉室、十二关机之中，缠身绕骨，经卫百脉。若有典主保护臣身，直使功曹差次检押，无令错互，须臣后召复出，奉行一如故事。鸣法鼓三通，咽炁三过。

次起再拜，复炉如法。毕，师与弟子从地户出。

明日登坛告大盟次第法

平旦言功竟，弟子若多，改坛如前。用六榜安着五门上，东西南北四门依位各一榜，王门上施戊己、九天二榜，着门之左右也。诀云：中央门在正门下季上，如春在丑，众真门在正门上孟上，如春在巳，他效之。如弟子少，即用斋坛，依常黄篆斋法也。更铺设修饰，严净布置。升坛所须等物悉具备，鸣钟，法师与弟子临坛。三师五保，严装法服，弟子皆玄冠黄褐，执简齐肃，香花赞引，悉皆如法。先引弟子绕坛三匝，至东南角，向西倚，赞唱勿停。次引师复绕坛三匝，至西北角倚。师去坛三十步，或七步，便叩齿三十二通，思紫云覆冠。一坛或一山五帝神兵各十万人，来迎兆身，了了分明，乃祝曰：

神真出游，万帝骇惊，玉虚玄卫，天宿倒倾，五岳司官，莫不辅灵，命召十方，驱策天兵，率天以下，咸到皇庭，令我登仙，洞得道精，审知不祥，通幽究冥，所向所陈，悉合玉清。

毕，乃徐行登坛，从西北天门入户，祝如法。升都坛左回，向西北九拜，朝九天主，叩齿九通，祝曰：

臣甲今传弟子某甲九天宝经，至上玉讳，清斋宿奏，气命合真，乞告下监真玉仙、典录侍郎、卫灵司马，下监盟文，及所启所付，毕得上闻。〔绕〕坛左行，还向东南，再拜。又启曰：

高上元始天王，今日上愿八会，日吉时清，谨於玄坛，或云岳。盟度玄经，乞丐告下五帝灵山，监臣盟誓，早赐神仙，得乘飞輶，上升帝晨。毕，法师倚，次命弟子从东南地户入都坛上，向西北九拜。竟，师左回立地户上，弟子左回立天门上，回向东南，再拜，还北面南向伏。师回北向立，叩齿三十六通，诵《金真太空章》一篇，以制万魔。其辞曰：

天魔乘空发，万精骇神庭。托化谣歌章，随变入无名。器气何纷纷，秽道当涂生。云中舍朱宫，北帝踊神兵。鼓洋自知道，玄运来相征。上景御飞轡，迅驾检云营。

促校北帝录，收执群魔名。豁落张天罗，放威掷流铃。金真辅空洞，玉光焕八冥。金玄守上宫，神虎戮天精。剪灭万祆炁，亿亿悉齐平。上承九天信，啸命靡不倾。招真究三洞，慧诵朗自清。八道望玄文，七转纬天经。混合帝一真，拔度七祖程。消灭五苦根，反魂更受荣。金光曜寂室，神烛自然生。香华散玉宇，烟气彻玉京。帝遣徘徊辇，三元降绿輶。迅驾腾九玄，朝我玉皇庭。

毕，便左行，弟子随师从天门入内坛，一云天门入。左回。三上五方香，从东始，周竟还西，面向东。法师闭目，内思存见五脏、五岳、五星、五帝，备卫身中，映盖一体，体作金色，从肺后出，项有圆光如日像，使照明十方，身中了然，尽见内外。毕。

次诵卫灵神祝曰：

九炁青天，明星大神，焕照东乡，洞映九门，转烛阳光，扫秽除氛，开明童子，备卫我轩，收魔束祆，上对帝君，奉承正道，赤书玉文，九天符命，摄龙驿传，普天安镇，我得飞仙。

南方丹天，三炁流光，荧星转烛，洞照太阳，上有赤精，开明灵童，总御火兵，备守三宫，斩邪束祆，剪截魔王，北帝所承，风火八冲，流铃交换，敢有不从，正道流行，我享上功，保天长存，亿劫无终。

七炁之天，太白流精，光曜金门，洞朗太冥，中有素皇，号曰帝灵，保神安镇，卫我身形，断截邪源，王道正明，宫宅整肃，三景齐并，道合自然，飞升紫庭，灵宝符命，普惠万生，功加一切，天地咸宁，

北方玄天，五炁徘徊，辰星灿烂，光曜太微，黑灵尊神，飞玄羽衣，备卫五门，检精捕非，敢有干试，豁落斩摧，玉符所告，神真八威，邪门闭塞，正道明开，映照我身，三光同辉，策空驾浮，举形仙飞。

黄中理炁，总统玄真，镇星吐辉，流焕九天，开明童子，一十二人，元气阳精，焰上朱烟，同照一室，及得我身，百邪摧落，杀鬼万千，中山神咒，普天使然，五灵安镇，身飞上仙。

次叩齿二十四通。

次发炉祝曰：

无上三天玄元始三炁太上老君，召出臣甲身中三五功曹、左右官使者、左右捧香驿龙骑吏、侍香玉童、散花玉女、五帝直符直日香官，各三十六人，出关启此间土地

里域真官正神。臣今正尔烧香传授，愿得太上十方正真生炁降注臣身中，令臣所启速达，径御至真无极道前。

次师引弟子左行，执谒版，西面向东，唱东方天尊，方各三拜。亦可一拜，亦可不须版，直依方唱。次南、次西、次北、次东北、交东南、四次西南、次西北、次上方、次下方，具如一文。

臣等至心归命东方无极太上灵宝天尊、苍帝九炁天君、东乡诸灵官。某帝先生姓氏名再礼谒。十方并同。

至心归命南方无极太上灵宝天尊、炎帝三炁天君、南乡诸灵官。

至心归命西方无极太上灵宝天尊、白帝七炁天君、西乡诸灵官。

至心归命北方无极太上灵宝天尊、黑帝五炁天君、北乡诸灵官。

至心归命东北无极太上灵宝天尊、梵炁始青天君、东北乡诸灵官。

至心归命东南无极太上灵宝天尊、梵炁始丹天君、东南乡诸灵官。

至心归命西南无极太上灵宝天尊、梵炁始素天君、西南乡诸灵官。

至心归命西北无极太上灵宝天尊、梵炁始玄天君、西北乡诸灵官。

至心归命天门上方无极太上灵宝天尊、玄都玉京金阙七宝玄台紫微上宫三十二天上帝、飞梵大罗天君、真人玉女、上方诸灵官。

至心归命地户下方无极太上灵宝天尊、九土高皇、四司五帝、阴阳水府十二仙官、洞渊洞虚洞元三十六地元皇天君、五岳四渎地上诸灵官。

至心臣谨按太真盟诀斋诀，登坛办具，以昨某时表灵尊文，期诚琼轩，众灵辅位，致使雨寝嘉辰，风息清暑，延兹十天，三炁流光，威式云布，无上开陈。某甲洪幸，谬兴难克之因，叨冀难成之果，谨依法启传符，自始迄终，得离风雨，使佩受后，愿无蹶碍。各叩头搏颊。

至心次法师就位，东向，弟子还东面，西向伏地。法师长跪，又叩齿二十四通。出官。

至心谨出臣身中五体真官功曹吏，出臣身中灵宝洞玄三部八景洞天八府飞天上仙官

，各二十四人出。

三部八景洞天飞行三五直灵神仙正一升玄功曹，各二十四人出。

三部八景洞天飞行三五直灵神仙直使生炁功曹，各二十四人出。

三部八景洞天飞行三五直灵神仙灵宝青帝功曹，各二十四人出。

三部八景洞天飞行三五直灵神仙灵宝赤帝功曹，各二十四人出。

三部八景洞天飞行三五直灵神仙灵宝黄帝功曹，各二十四人出。

三部八景洞天飞行三五直灵神仙灵宝白帝功曹，各二十四人出。

三部八景洞天飞行三五直灵神仙灵宝黑帝功曹，各二十四人出。

三部八景洞天飞行自然灵宝神仙通真度命使者，各二十四人出。

三部八景洞天飞行自然灵宝神仙传事飞天使者，各二十四人出。

三部八景洞天飞行自然灵宝神仙香官生炁使者，各二十四人出。

三部八景洞天飞行自然灵宝神仙洞明青帝使者，各二十四人出。

三部八景洞天飞行自然灵宝神仙洞明赤帝使者，各二十四人出。

三部八景洞天飞行自然灵宝神仙洞明黄帝使者，各二十四人出。

三部八景洞天飞行自然灵宝神仙洞明白帝使者，各二十四人出。

三部八景洞天飞行自然灵宝神仙洞明黑帝使者，各二十四人出。

三部八景洞天飞行自然灵宝神仙监功谒者，各二十四人出。

三部八景洞天飞行自然灵宝神仙校事谒者，各二十四人出。

三部八景洞天飞行自然灵宝神仙侍香玉童，各二十四人出。

三部八景洞天飞行自然灵宝神仙散花玉女，各二十四人出。

三部八景三十二天洞天八景飞行灵宝五帝直符，各二十四出。

出者各依仪严装、天衣仙服，冠带垂纓，齐光显曜，整其威仪。建九色之节，执简持幢，把召神之信，命魔灵旛，各按位署列住十方，散花烧香，营侍臣身。

太玄三部洞天八景自然灵宝飞仙度命天仙兵马各九亿万骑出。

太玄三部洞天八景自然灵宝神仙度命地仙兵马各九亿万骑出。

太玄三部洞天八景自然灵宝神仙度命飞仙兵马各九亿万骑出。

太玄三部洞天八景自然灵宝神仙度命真人兵马各九亿万骑出。

太玄三部洞天八景自然灵宝神仙度命神人兵马各九亿万骑出。

太玄三部洞天八景自然灵宝神仙度命日月兵马各九亿万骑出。

太玄三部洞天八景自然灵宝神仙度命星宿兵马各九亿万骑出。

太玄三部洞天八景自然灵宝神仙度命九宫兵马各九亿万骑出。

太玄三部洞天八景自然灵宝神仙度命五帝兵马各九亿万骑出。

太上三部洞天八景自然灵宝神仙度命五岳兵马各九亿万骑出。

太玄三部洞天八景自然灵宝神仙度命三河四海兵马各九亿万骑出。

太玄三部洞天八景自然灵宝神仙度命诸天督仙兵马各九亿万骑出。

太玄三部洞天八景自然灵宝神仙灭度生尸兵马各九亿万骑出。

太玄三部洞天八景自然灵宝神仙开度更生兵马各九亿万骑出。

太玄三部洞天八景自然灵宝神仙金龙骑各九亿万众出。

太玄三部洞天八景自然灵宝神仙飞龙骑各九亿万众出。

太玄三部洞天八景自然灵宝神仙游龙骑各九亿万众出。

太玄三部洞天八景自然灵宝神仙神龙骑各九亿万众出。

太玄三部洞天八景自然灵宝神仙驿龙骑各九亿万众出。

太玄三部洞天八景自然灵宝神仙云龙骑各九亿万众出。

太玄三部洞天八景自然灵宝神仙龙虎骑各九亿万众出。

太玄三部洞天八景自然灵宝神仙龙腾骑各九亿万众出。

太玄三部洞天八景自然灵宝神仙度命九炁天官青牙玉女各二十四人出。

太玄三部洞天八景自然灵宝神仙度命三炁天官朱丹玉女各二十四人出。

太玄三部洞天八景自然灵宝神仙度命七炁天官明石玉女各二十四人出。

太玄三部洞天八景自然灵宝神仙度命五炁天官玄滋玉女各二十四人出。

太玄三部洞天八景自然灵宝神仙度命中央黄上天官灵剑玉女各二十四人出。

太玄三部洞天八景自然灵宝神仙东岳青帝主图飞天吏各二十四人出。

太玄三部洞天八景自然灵宝神仙南岳赤帝主图飞天吏各二十四人出。

太玄三部洞天八景自然灵宝神仙中岳黄帝主图飞天吏各二十四人出。

太玄三部洞天八景自然灵宝神仙西岳白帝主图飞天吏各二十四人出。

太玄三部洞天八景自然灵宝神仙北岳黑帝主图飞天吏各二十四人出。

真仙神官，兵马乘骑，一合屯住臣前后左右，罗列行伍。自然五色素云映盖身形，流精散炁，布满十方，周天覆地，营卫臣身。一切严装事讫，正一升玄功曹、通真度命传事飞天使者、五帝直符直事，擎玄空之案，对在臣前，衔臣口中辞语，分别关启上下中央、四面八方天官地神、五岳四渎九江八极名山大泽五帝真官、四司监察、九部考召、玄元始炁甲子诸官君、无穷无极无高无下无深无浅无幽无显无鞅数众真官注炁乾皇、九宫八卦六甲真人、根元本始土地之主、社稷将吏，一时严装，与臣身功曹使者、飞龙驿龙骑、直符直事，上启无上元始太上大道、五老上帝至真大圣尊神玉陛下，十方无极大道道德众圣天尊、太帝、天帝、玄中大法师诸官君。臣以有幸，宿世因缘，九天之劫，延及今身，遭遇明运，大法流行，得以秽质，参

染灵文上清金书三洞宝经。自叨窃以来，尊仰上法，心希神仙，而精诚浅薄，未能感灵，常恐罪至，沦没九泉。天慈广大，首领得全，诚宜守短，不敢有言。今三洞御运，灵宝下教，先度并升，仙官空缺，应须中贤，以充诸天。臣受法之日，应更度人，先有宿名金格玉录，合真之人，周历八极，从虚无中来。今有宿命某岳真人某甲，年若干岁，体行真素，骨命合真，已受上法九天灵文。所参浅狭，未见道源，信向苦至，祈请积年。今赍金缙法信，求受臣所佩元始五老赤书玉篇真文、金书紫字玉文丹章、二十四真三部八景图神仙乘骑、诸天内音自然玉威策录八字等文，神杖众事，盟命宝经，投诚启诉，九祖为证，誓为身宝，约无愆违。臣受法禁重，不敢轻宣，备加核实，辞诚愈坚，察其丹心，谓可成就。既法有开度，不敢闭绝。辄按《黄箓简文灵仙科品》，与某甲对斋三日，宿露真文，天清地静，四气恬然，不风不扬，应法合真。今谨依先师旧典，明真大法、玉诀之要，付授某甲身，共登皇坛。金缙镇灵，谨先拜黄缙赤表一通，上诣九天，表露在玉案上，分别请省。

次读表文，

又叩齿三通，送表。

谨遣臣身中五体仙官乘骑、重勅功曹使者、奏事直符传言书佐，严装显服，冠带垂纓。及时操臣度道黄缙赤表一通，上诣元始五老上帝、至真大圣尊神御前。若所言倒错，文字谬误，不依旧法者，愿为随事正定，必使上合，无令上官典者有所谴却。若有邪魔鬼贼干截公文者，收付所在禁狱，依事治罪。令臣所上御达，所愿必至，恩惟原理，伏须告报。

次弟子左转，南向、师左回，

北向、长跪。鸣鼓三十六通。

太上灵宝无上洞玄法师某甲先生，臣岳甲稽首再礼，谨上请太极典经仙郎、侍经玉郎、监度司马、四司五帝、玉童玉女，手执紫毛之节、十绝灵幡，从万神千真，前吹凤鸣，后奏天钧，烧香散花，一时浮空而降。天仪罗列，监度盟言。臣谨因众真仙官、飞龙驿吏，上启太上无极大道、太上大道君、元始五老上帝、灵宝元尊、十方自然至真、四方大圣、金阙上帝、太极真人、太上玄一三真人、清玄众尊琼阙下，臣以下愚，行尸臭肉，宿福愿会，遭遇真经，得奉受大法三洞宝文。道高理妙，非所任当，夙夜惧惕，形魂无宁。臣某诚惶诚恐，顿首顿首，死罪死罪。臣谬忝非分，冒敢献言，伏寻尊经秘重，渊迹洞源，诚非小臣所可揄扬。且明科典制，五八听传，臣佩法始浅，未宜宣露。但大会垂周，世运短促，祸福交谢，道须忠贤广加开度，令入法门。虽今人情浮伪，虚实难明，然至心翘翘，微在可识，勤求款到，不得闭绝。臣向拜表上闻，谨有某帝真人某甲，体性慈仁，质素竟白，抗心高上，不务荣华，耽虚味真，愿慕神仙，参履上法大乘之教，劝化开度，立德建功，恭勤

丹苦，孜孜不倦，钻励积载，志极道源。今赍金缙宝信，受真之具，誓诉诸臣，九祖为证，求佩灵宝元始五老赤书真文宝符、三部八景二十四真神官吏兵、诸天内音玉字、八威策文神杖众事，如臣所见。某甲骨性志行，宜合成就，谨依明真旧典，建坛立盟，告誓九天，按科付授。约为身宝，不得负违，轻泄漏慢，毁本伐宗，生死父母，及得某身，受考风刀，万劫无原。恩惟太上众尊、十方圣真、四司五帝，昭鉴盟言，谨以启闻，须御奉行。臣某诚惶诚恐、稽首再拜。

次法师启奉毕，於是起，弟子从师后，三上五方香，从东始，每至一方，辄长跪上香。周竟，便巡行三匝，散花十方。于时当诵咏五真人颂诵一篇。弟子再礼唱善。

太极真人颂曰：

太上大道君，出是灵宝经。高妙难为喻，犹彼玄中玄。自然无为道，学之得高仙。大乎洞虚经，安坐朝诸天。上宝紫微台，下藏诸名山。灿烂龙凤文，戢耀在无间。妙哉太上道，无为常自然。王侯及凡庶，所贵唯忠贤。宿命有福庆，卓拔在昔缘。法师转相授，宝信劫数年。广念度一切，大福报尔身。供养必得道，奉行成至真。大道无彼我，传当得其人。

太上玄一第一真人颂曰：

众妙出洞真，灿烂耀太清。奉者号仙人，体无永长生。逍遥戏玄虚，宫殿罗无形。蒨粲七宝林，晃朗日月精。龙鳞交横驰，凤凰翔悲鸣。太上治紫台，众真诵洞经。揲香稽首礼，旋行绕宫城。三周归高座，道王为应声。人主宏至道，天下普安宁。

太上玄一第二真人颂曰：

虚无常自然，强名字大道。缅邈无边际，众妙归灵宝。闭眼存至真，精思降十老。升仙永无为，灵颜常妙好。渴饮玉池醴，饥食金光草。静慧度八难，济世诸苦恼。

太上玄一第三真人颂曰：

妙哉灵宝经，太上自然文。奉者致得仙，号曰真天尊。受命宣道教，真为超俗才。事毕升神仙，宫殿治玄台。时降昆仑山，逍遥憩蓬莱。

太上正一真人三天大法天师颂曰：

灵宝及大洞，至真道经王。如有五千文，高妙无等双。奉行立飞仙，玄居治虚空。侍卫太上台，逍遥紫微宫。万劫犹电顷，长存永无穷。道眼已备足，豁落自冥通。幽昧无不知，安坐观十方。

诵毕，法师弟子各还复位，南北相对，披真文於案上。师诵真文序毕，弟子再礼，次依玉诀正音，字字解说，口授读度。弟子承受诀言，东方安宝华林青灵始老九炁青天赤书真文。

东方赤书玉篇

东方九炁，始皇青天，碧霞郁垒，中有老人，总校图录，摄炁举仙，岁星辅肝，角亢镇真，氏房心尾，四景回旋，箕主七辰，玉斗明轮，承炁捕非，扫除灾群，东山神咒，摄召九天，赤书符命，制会酆山，束魔送鬼，所诛无镬，悉诣木宫，敢有稽延，下制东河，溟海水神，大劫洪灾，蛟龙负身，水府开道，通径百千，青帝赤文，风火无间。

南方赤书玉篇

南方丹天，赤帝玉堂，中有大神，号曰赤皇，上炎流烟，三炁勃光，神仙受命，应运太阳，荧惑辅心，井鬼守房，柳星张翼，抗御四乡，轸总七宿，回转天常，召运促会，正道驿行，赤文命灵，北摄酆山，束送魔宗，斩灭邪原，符教所诛，明列罪源，南山神咒，威伏万方，群祆灭爽，万试摧亡，南河水帝，太伯龙王，神咒流行，普扫不祥，洪水飞灾，止蛟召龙，开除水径，千道万通，敢有干试，摄送火宫，赤书所告，莫有不从。

中央赤书玉篇

中央总灵，黄上天元，始生五老，中黄高尊，摄炁监真，总领群仙，典录玄图，宿简玉文，催运上炁，普告万神，镇星辅脾，回度北元，魁魁主非，截邪斩奸，魑魍魑魑，扫秽除氛，魑正玄斗，明度天关，九天符命，金马驿传，勅摄北帝，遏塞鬼门，剪除不祥，莫有当前，中山神咒，召龙上云，制会黄河，九水河源，不得殆纵，善恶悉分，千祆万奸，上对帝君，莫有干试，太阳激愤，赤书玉字，宣告普闻。

西方赤书玉篇

西方素天，白帝七门，金灵皓映，太华流氛，白石峨峨，七炁烟煜，上有始生，皇老大神，总领肺黑，主校九天，检定图录，制召上仙，太白检肺，奎娄守魂，胃昂毕觜，主制七关，参总斗魁，受符北元，赤书玉字，九天正文，摄召万炁，普归帝君，西山神咒，八威七传，符水上龙，召山送云，在所校录，同到帝门，辅卫上真，斩灭邪源，若有不祥，截以金关，赤书符命，风火驿传。

北方黑帝赤书玉篇

北方玄天，五炁徘徊，中有黑帝，双皇太微，总领符命，仙炼八威，青裙羽属，龙文凤衣，上帝所举，制到玉阶，北辰辅肾，斗牛卫扉，女虚危室，豁落四开，辟总七星，执凶纠非，却灾扫秽，明道洞辉，北山神咒，激阳起雷，流铃焕落，攬天振威，北酆所部，万祆灭摧，九河倾訖，鸟母群飞，蛟龙通道，水陌洞开，赤文玉书，驿龙凤驰。

五魔玉讳

九炁天中空洞青灵魔王，姓巴元，讳丑伯。三炁天中空洞赤灵魔王，姓负天，讳担石。中黄高皇天中空洞黄灵魔王，姓横天，讳担力。七炁天中空洞白灵魔王，姓反山，讳六目。五炁天中空洞黑灵魔王，姓监丑，讳朗馥。

度上部八景

清微天主上部赤字玉诀

青书玉字，三十二字。

上天虚无，玄洞九五，太上阿房，统灵威户，玉衡摄气，脑华玄睹，统御上部，通神达古。

度中部八景

大赤天主中部赤字玉诀

朱书玉字，三十二字。

赤明开真，三天气和，洞丹阳光，五藏不枯，丹天所宝，朱宫扶苏，纳炼流泉，朱元无徂。

度下部八景

禹余天主下部赤字玉诀

黄书玉字，三十二字。

黄中理气，元生自尊，胃管幽通，六府俱存，白元公子，桃康德淳，养育朱丹，洞神往还。

东方青帝八会内音自然玉字九炁总诸天文

亶娄阿会，无和观音，须延明首，法揽菩昙，稼那阿奔，忽诃流吟，华都曲丽，鲜菩育臻，答落大梵，散烟庆云，飞洒玉都，明魔上门，无行上首，回跢流玄，阿陀龙罗，四象吁员。

诀：东方内音毕，弟子回心，东向伏，冥目。师叩齿九通，祝曰：

赤明开图，八炁回真，总统玄门，青帝大神，流化九外，缠绵我身，灵音八书，六十四篇，洞明天地，与我合仙，运致龙驾，上升帝轩。

毕，弟子仰头，九咽炁，次读细字，唱度之，横读之也。

南方赤帝八会内音自然玉字三炁总诸天文

南燭洞浮，玉眸洗洗，梵形落空，九灵推前，泽洛菩台，绿罗大千，眇莽九丑，韶谣缘遘，云上九都，飞生自骞，那育郁馥，摩罗法轮，霤持无镜，揽资运容，馥朗廓奔，神纓自宫。

诀：南方内音毕，弟子回心，南向伏，冥目。师叩齿三通，祝曰：

三炁徘徊，灵凤来飞，玉音八字，灿烂紫微，日吉大庆，我道洞开，朱丹哺饲，仰吸灵辉，生生水火，绛被羽衣，登空玄步，足践凤梯，周旋八天，七祖相随。

毕，弟子仰头三咽炁，次度细字。

西方白帝八会内音自然玉字七炁总诸天文

刀利禅猷，婆泥咎通，宛蕞淙色，大眇之堂，流罗梵萌，景蔚肃嵎，易邈无寂，宛首少都，阿滥郁竺，华莫筵由，九开自辩，阿那品首，无量扶盖，浮罗合神，玉诞长桑，栢空度仙。

诀：西方内音毕，弟子回心，西向伏，冥目。师叩齿七通，祝曰：

七炁金灵，八天尊神，白虎策辈，师子捧轘，七炁缠绵，炼我成仙，身发金光，肺照素云，内外变化，升入洞门，七祖出夜，九幽放魂，三徒五苦，长斩恶根，同欢福舍，受庆自然，亿劫开度，随运长存。

毕，弟子仰头，七咽炁，次度细字。

北方黑帝八会内音自然玉字五炁总诸天文

攬无自育，九日道乾，坤母东覆，形摄上玄，陆罗育邈，眇炁合云，飞天大丑，总监上天，沙陀劫量，龙汉瑛鲜，碧落浮黎，空歌保珍，恶奔无品，洞妙自真，元梵恢漠，幽寂度人。

诀：北方内音毕，弟子回心，北向伏，冥目。师叩齿五通，祝曰：

玄天徘徊，流景上清，大有启运，八字高明，飞玄澄虚，洞音自生，五炁缠绵，灌我身形，冠带北单，受炼洞灵，肾府化出，内外光精，飞行三界，邀宴紫庭，七祖同庆，欢乐劫龄，七宝林中，反胎更形，长夜灭死，南宫记名，黄篆白简，削死上生。

毕，弟子仰头，五咽炁，次度细字，次读太岁以下盟文。

次度策文

封八威策法，先读弟子名，次读师名。

上版符诀曰：

天灵步兵，太一升天，在地关白，生天命威，命主尸骨，星地命出，月天地度。

又诀曰：

焰明灵威仰，洞浮极炎赤嫫弩，通班元成含枢杻，上金昌开曜魄宝，黑节灵会隐侯局。

下版符诀曰：

太上太一版，真经黄帝书。

又诀曰：

慧灵开洪灾度人。

次思前从飞龙，后导天钧，凤啸鸾鸣，十二华光，建三七色节命灵之旛，给五帝玉童玉女各十二人。五帝侍卫，三界司迎，弟子受策，长跪师前。勅众符曰：

东流之水，徘徊五城，魄入魂出，澡炼身形，某甲奉受，灵宝众符，永得长生，急急如太上律令。

次封策两头祝曰：

元始太真，五灵高尊，太华皓映，洞朗八门，五老告命，无幽不闻，上御九天，中制酆山，下镇河海，十二水源，八威神咒，灵策玉文，召龙负水，收炁聚云，束魔送鬼，扫荡祆群，万精摧落，所诛无蠲，日月五星，北斗七元，诸天诸地，诸水诸山，玉真所部，溟泠大神，仙王游宴，五帝杖旛，天丁前驱，金虎后奔，攫天猛兽，罗备四门，所呼立到，所召立前，赤书焕落，风火无间，有所摄验，金龙驿传。

祝毕，叩齿九通，仰天三啸，引炁三咽止。用元始五老印封策毕。次封杖法，叩齿三十六通，冥目思五帝史，各一人，衣随方色，有五色之光，流焕杖上。五帝玉女各一人，合共卫杖左右。毕，先以杖横捧於师前，头向左，此师行之。

次师执青帝符，命弟子看。诀曰：青帝姓区，名更生。竟授与弟子，弟子得符，东向叩齿九通，思青炁从口中入注肝中，生九重青华，宝光彻映项后。毕，还授符与师，师纳上第一孔中。竟，师祝曰：

无上青精，九炁太灵，神光遐散，流映东青，华景郁勃，灌子身形，宫府安镇，宝魂自生，洞达八朗，飞升玉庭。

毕，弟子引炁九咽止。次师执赤帝符，命弟子看，诀曰：赤帝姓祝，名昌中。竟，授与弟子。弟子得符，南向叩齿三通，思赤炁从口中入注心中，生三重丹华，宝光彻映胸中。毕，还授符与师，师纳上第二孔前。竟，师祝曰：

丹华流瑛，宝芝生光，神精彻幽，散灵八方，直符摄炁，啸命朱童，三精焕敷，注子绛宫，赤神安镇，五香溢充，洞映形外，表裹发光，身生水火，独步飞行。

毕，弟子引炁三咽止。次师执黄帝符，命弟子看，诀曰：黄帝姓司，名精。竟，授与弟子，弟子得符，向王上叩齿十二通，思黄炁从口中入注脾中，生十二重黄华，宝光洞映一身。毕，还授符与师。师纳上第三孔中。竟，师祝曰：

总元高灵，回神四乡，黄上散华，五帝交芳，流精散漫，十二重光，混合子形，万神相迎，安备黄脾，养炁中房，保龄度劫，永镇无穷。

毕，弟子引炁十二咽止。次师执白帝符，命弟子看诀曰：白帝姓辱，名曲正。竟，授与弟子。弟子得符，西向叩齿七通，思白炁从口中入注肺中，生七重素华，宝光洞映丹田。毕，还授符与师，师纳上第四孔中。竟，师祝曰：

金灵七炁，素华流纷，金精童子，道建元巾，带符摄炁，万神会门，宝光弈弈，照子会根，安镇肺华，万劫长存。

毕，弟子引炁七咽止。次师执黑帝符，命弟子看，诀曰：黑帝姓玄，名尹丰。竟，授与弟子。弟子得符，北向叩齿五通，思黑炁从口中入注肾中，生五重玄华，宝光洞映背外。毕，还授符与师。师纳上第五孔中。竟，师祝曰：

北上大玄，五炁徘徊，宝华五重，流光焕辉，灵景郁秀，洞映太微，仰注子身，肾府鲜开，安镇灵宅，万神总归，身生羽翼，举形自飞。

毕，弟子引炁五咽止。次纳符竟，以朱蜡封杖两头空处，上用元始之章印之，下以五老之章印之。毕，弟子叩齿三十六通，思五帝直符吏各一人，衣随方有五色之光，流焕杖上；五帝玉女各一人，合共卫杖左右。弟子依前横捧杖。师祝之曰：

太阳之山，元始上精，开天张地，甘竹通灵，直符守吏，部御神兵，五色流焕，朱火金铃，辅翼上真，出幽入冥，招天天恭，摄地地迎，指鬼鬼死，祆魔束形，灵符神杖，威制百精，兴摄群方，与我俱生，万劫之后，以代我形，景为五解，神升上清，承符告命，靡不敬听。

毕，引五方炁二十五咽，止。

次师告丹水文

某岳先生大洞法师臣某甲，告弟子某甲等：元始天尊於眇莽之中，敷演真文，结成妙经。劫劫济度，无有穷已，如尘沙巨亿无绝。灵文隐奥，秘于金阁，众真宗奉，诸天所仰。逮于赤鸟，降授仙公，灵宝妙经，於是出世度人。吾谬稟微缘，运值灵文，先师显饰，奉传至法，誓为身宝，岂敢宣泄。劫运推移，其法应行，有合真之人，依科听付。今誓九天，启付某甲，受经之后，当依明科，肃己励躬，精诚勤苦，断绝世缘，唯志大乘，供养朝礼，讲习妙蹟，参问有道，导引精研，修斋服御，希求飞腾，尊道敬师，推崇根本，不得喷噉，有面无心，攻伐本根，自造无端。轻慢经宝，皮好胎诞，淫欲贪着，嫉妒恚恨，胸心谄楚，怀毒在内，一旦犯违，身充三泉。当以某甲三曾五祖，同沦地岳，万劫无原。今建立黄坛，关盟五帝，付授宝文十部妙经，诸天五岳，咸对盟文，检行慎法，抱於中心，飞仙可期，终成道真，善自肃励，如四极明科律文。

次弟子自盟文

某府县乡里某岳先生洞玄弟子某甲，稽首再拜，上启元始天尊、太上道君、十方尊神、四方已得道至真。太上灵宝三十六部尊经宝符，高玄大法师某，因缘宿福，九

天之劫，轮转不灭，庆祚所逮，轮化所籍，得生法门。先缘发愿，仰美至闕，法板大乘，心神欣踊，自恐腐骸。今遭天运推移，皇道数行，蒙法师某甲所见拔擢，开导愚蒙，赐臣灵文，奉对圣君。肉尸惶惧，洗除浊秽，得侍灵坛，俯荷拔擢，荣过分表。某当励己肃体，供养尊礼，弃情退累，志托幽阜，长乖世涂，唯志丘岩，昼夜朝拜，思竭愚管，庶凭圣文，拔度朽骸，至心慙慙，无有二念，不敢违盟负誓，欺师慢道，有面无心，不保劫数。某自收罪考，吞声敢言，引某七世父母、九玄祖考，以为证誓，见世生人、九族种亲以为盟约。某自乐仙道，时不敢拘迫，一日有违，生死同沦地岳五道，不敢蒙原。上告元始，下誓五帝，身对师宝，自立盟誓。丹情至心，唯蒙矜纳。臣某诚惶诚恐，稽首再拜。

次师起立北向，左手执真文二录。弟子长跪，以右手持信物，师叩齿三十六通，存五藏之色，令备具合成宝盖之云罗，覆经及师。从而祝曰：

天书简不烦，道德自备足，修之必神仙，当复何所欲，文耀太无间，焕然而朗郁，传授悉依法，泄慢堕地狱。

次弟子跪，九拜，三起三伏，奉受真文，带策执杖，礼十方一拜。从北方始，东回而周讫。想见太上真形如天尊象矣。毕，次师起巡行，咏步虚。其辞曰：

稽首礼太上，烧香归虚无。流明随我回，法输亦三周。玄愿四大兴，灵庆及王侯。七祖生天堂，煌煌曜景敷。啸歌观大漠，天乐适我娱。齐馨无上德，下仙不与俦。妙想明玄觉，洗洗乘虚游。

旋行蹑云纲，乘虚步玄纪。吟咏帝一尊，百关自调理。俯命八海童，仰携高仙子。诸天散香华，翛然灵风起。宿愿定命根，故致高標拟。观乐太上前，万劫犹未始。

嵯峨玄都山，十方宗皇一。岌岌天宝台，光明焰流日。炼灿玉林华，萼粲曜珠实。常念餐元精，炼液固形质金光散紫微，窈窕大乘逸。

俯仰存太上，华景秀丹田。左顾提郁仪，右盼携结璘。六度冠梵行，道德随日新。宿命积福应，闻经若至亲。天挺超世才，乐诵希微篇。冲虚太和炁，吐纳流霞津。

胎息静百关，寥寥究三便。泥丸洞明景，遂成金华仙。魔王敬受事，故能朝诸天。皆从斋戒起，累功结宿缘。飞行凌太虚，提携高上人。

控轡适十方，旋憩玄景阿。仰观劫刃台，俯盼紫云罗。逍遥太上京，相与坐莲华。积学为真人，恬然荣卫和。永享无期寿，万椿携奚足多。

大道师玄寂，升仙友无英。公子度灵符，太一奉洞章。舍利曜金姿，龙驾歛来迎。

天尊盼云舆，飘飘乘虚翔。香花若飞雪，纷霭茂玄梁。

头脑礼金阙，携手邀玉京。骞树圆景园，灿烂七宝林。天兽三百名，师子巨万寻。飞龙踞躅吟，神凤应节鸣。灵风扇奇华，清香散人衿。

自无高仙才焉能耽此心。

严我九龙驾，乘虚以逍遥。八天如指掌，六合何足辽。众仙诵洞玄，太上唱清谣。香花随风散，玉音成紫霄。五苦一时进，八难顺经寥。妙哉灵宝囿，兴此大法桥。天真帝一宫，蔼蔼冠耀灵。流焕法轮纲，旋空入无形。虚皇村云璈，众真诵洞经。高仙凜手赞，弥劫保利贞。

至真无所待，时或饬飞龙。长斋会玄都，鸣玉叩琼钟。十华诸仙集，紫烟结成宫。宝盖罗太上，真人把芙蓉。散花陈我愿，握节征魔王。法鼓会群仙，灵唱靡不同。无可无不可，思与希微通。

次北向，诵礼经颂三首。其辞曰：

乐法以为妻，爱经如珠玉。持戒制六情，念道遣所欲。淡泊正炁停，萧神静默。天魔并敬护，世世受大福。

郁郁家国盛，济济经道兴。天人其愿，缥缈入大乘。因心立福田，靡靡法轮升。七祖生天堂，我身白日腾。

大道洞玄虚，有念无不契。炼质入仙真，遂成金刚体。超度三界难，地狱五苦解。悉归太上经，静念稽首礼。

每诵步虚一首讫，弟子唱善散花，礼一拜毕，唱三礼曰：

至心稽首礼太上无极大道。

至心稽首礼三十六部尊经。

至心稽首礼玄中大法师。

次平坐，弟子向师伏，师说元始禁戒，弟子句句唱诺，弟子某甲自称名，师告：弟子唱诺三言之。

《元始赤书五篇真文》，上清自然之书，九天始生之灵空洞之章，成天立地，开张

万真，安神镇灵，生成兆民，匡御运度，保天长存。上制天机，中检五灵，下策地祇，啸命河源，运役阴阳，召神使仙。此至真之文，妙应自然，致天高澄，使地固安，五岳保镇，万品存焉。元始刻题上帝灵都之馆，累经劫运，而其文保固天根，无有毁沦，与运推迁，混之不浊，秽之愈清，毁之不灭，灭之极明。大有之文，天真所尊，自非勒名帝图，刻简来生者，斯文隐秘，莫得窥闻。有得之子，与三炁长存，勤行其法，克致神仙。但精心躬奉，家国安宁，保命度灾，扫诸不祥。天子侯王奉之，致国太平，凶寇自夷，边域不争，兆民歌唱，普天兴隆。运推数周，正道当行，有得之者，庶招自然，天真妙重，九天所秘，不得轻泄，考罚尔身。若弟子应传经者，年限虽未盈五八，皆令法信充备，依黄篆为三师，开度弟子一十九人，功德满足，然后得传宝诀，不得非师，私相教授。若违科妄泄，无盟而传，师受四极之考，七祖同沦地岳，万劫不原。可不慎之，可不慎之，尔其信焉。

毕，弟子起礼三拜，还伏。次授六誓文曰：

一誓不轻泄，二誓不猥慢，三誓不妄传，四誓不口说，五誓不触经禁，六誓不受财卖道。

天尊六誓以质人心，人心既固，道心亦真，不得违誓越盟，永受风刀。说誓之时，先捻香，弟子一手指天，男左女右。毕，弟子礼六拜，师立，诵曰：

真道高妙，应感则宣，丹心恳至，有恻上玄，紫文炼质，神金制魔，豁落威灵，佩之神仙，今启传付，誓勿妄言，宝秘真降，泄必祸臻，天科严峻，尔其奉焉。

毕，弟子又礼六拜。

次师简授弟子法位曰：太上灵宝无上洞玄弟子某岳先生某甲。弟子长跪受毕，退合简端身，称之礼本师，九拜，三起三伏，肘行膝步。讫，左行东面，向西礼，再礼；次北，次东，次南，各再礼，日朝四极。还复位，礼监度三师，各三拜。次还读前谒十方版及五师版，依前面方所，唯五师向西。毕，长跪大谢，弟子叩头，搏颊无数。其辞曰：

太上灵宝无上洞玄弟子，某岳先生臣某等，今故烧香叩头，归身归神归命十方无极太上灵宝天尊，十方诸灵官已得道至真诸君，丈人，三十六部尊经玄中大法师，太上玄一三真人，太极高玄法师，三天大法师正一真人，及三界表里一切神灵。臣等以今传授弟子某甲，登坛告盟，希仰太上众尊济度之恩，原赦臣某师从弟子等，自从缘起有身父母，依因一切眷属，及得某等千罪万过，并令传授。置斋以来，逮乎兹日，违科犯法，进止失仪，呼名乖性，尊卑越次，付度差违，特乞大慈开宥，不见罪罚。伏愿恩流即时，威播今日，且今日宝珠之口，有无鞅众登宝珠之上，获参胜侣，乃超虎涧而同至，越龙山而俱到，证因四果。果於向者克成五愿，愿偶今时

。所谓珠口不知盈满，水火无以烧沉，故今辰男女仰慕凤轮，远期龙驾。凡此智友，既各父元父之父，同一玄一之一，愿五眼报勤，三明赏德，功骋喜泰二勤畅休欢，恩寝死符，福播生录。永始元始之歌谣，长卒不卒之庆扑。各使餐能命算，食辨形体，佑盖尊卑，卫活长少，天保信向之男，法护至到之女。女果紫简，男谐玉牒，不朽与赤甫争能，得道共山图而竞解，祸路承此同灭，福阶因慈各兴。帝主延昌，爱民治国，三归共往，四教俱来。狱厄长免，因缘永绝，灾恼不起，衰患勿生。其诸此外，随愿各刻，求官得官，求贵得贵，求道得道，求真得真。所愿悉谐，所欲咸遂，道成天地，功济生灵，遍为诸天日月星宿、山川岳渎、龙王鸟王、兽王虫王、万物神王、一切天王，在在处处天神地神、山水灵祇、里域官长、凡诸营卫一切吏兵，并愿即时旋转，俱登妙胜。即愿七元安度，四象无愆，天见喜祥，地表灵瑞，山开宝牒，河出龙图，五芝绿草，遍布郊野，四方清静，天下太平。无边功德，逮及监临官对，执劳随喜，并观听男女，一蒙有缘，同享上福，冥资六道，庆被四生，五苦三恶，含灵有识，咸蒙荡沐，冠带天衣，适乐自在，长结善缘，永为法侣，从此不退，得道为期。至於坛主盟身某，五文入体，玉符养质，神真卫命，天书感瑞，八会应图，六度常持，四行无缺，五通仙举，十转飞腾，金刚净体，克隆圣果，稽首十方，常住三宝。

次师诵三徒五苦辞曰：

三才及万物，倚伏各有龄。终始待劫数，福尽天地倾。往反於五道，苦哉更死生。辗转三徒中，去来与祸并。

大贤慎兹诫，忍性念割情。愚夫不信法，罪痛常自婴。吾念世无已，今故重告明。若欲度斯患，归命太上经。

罪福不由他，谅自发尔声。大贤故闭口，欲绝诸恶缘。灭念归兼至，倚伏待长泯。弘道以安世，终当见正真。

淫嫉为祸首，灭身之至患。含养如此害，岂是道所安。知恶而不革，恐必致夭残。怀毒日斋直，令我发长叹。

宿命有信然，弱丧谓之无。皆欲眼前见，过目即言悠。大贤明道教，惨戚愍顽夫。依依念子苦，勤勤令我忧。

人命以消尽，亦犹膏中火。四大暂相寓，五物权时假。盛年当勤学，趣求存吾我。福尽身神散，冥冥地狱下。上圣畏是故，寻道度斯祸。

学仙行为急，奉戒制情心。虚夷正气居，仙圣自相寻。若不信法言，胡为栖山林。

大贤乐经戒，受之为身宝。就学常苦晚，治身恨不早。比当披幽赜，倏歎年已老。执卷吸尔极，将更死痛恼。吾故及弱龄，弃世以学道。

次法师还向东，口启言功，复官。泰玄都正一平炁系天师阳平治左平炁臣某，稽首再礼，上言：谨按文书，臣素胎生肉人，禀命有幸得，生法门，被蒙大圣曲逮隆重，得叨妙法内外真要，长生度世不死之道，仰参上清三洞宝经升霞之卫，恩润重沓，莫之与比。道重人轻，非臣臭骨所可当荷，辜负天官，若无首领。臣以今即日，登此山岭，授度宝经与弟子某甲，出身中三部八景神仙骑乘，飞天神仙功曹，传言奏事小吏，关启五帝、五岳土地灵山里域真官注炁，监察授度，并见营卫。皆是众官佑护之功，不胜受恩，谨为一切众官拜言功口章上闻。愿上官典者，乞垂矜省，原赦臣前后所犯万没之罪，赐臣身得度千灾万厄之中，请为侍经玉童玉女，内外监察考召君吏、四野九野四面真官、土地灵山五帝、五岳上真，臣身三部八景飞天神仙功曹，天官骑乘，十方营卫众官，并及前后行来诸所经历，传授宣化，心口求愿，佑助之功，一切谒还天曹，加官进爵，言功举迁。上功三千等，中功二千等，下功一千等。书佐小吏，吏兵士卒各五百等，还入中宫。上官典者，以时给与，悉令均平，无使遗脱恚恨者。受功事讫，各还所职，营护臣身，禳却千灾毒，公私口舌，恶人谋议，一切伏匿绝灭太阴之中。受恩无地，以为效信。恩惟太上分别求哀臣愚，谨因内外众官真使、正一功曹、左右官使者、阴阳神决吏、科车赤符吏、刚风骑置驿马上章吏、飞龙骑吏官，各十二人出，奉操臣拜上言功口章一通，上诣三天曹，伏须告报。臣某诚惶诚恐，稽首再礼以闻。

臣姓属某府某悬某观。

太清衔位

太岁

臣告盟事讫，所请天灵地神，谒还九天，随宜进叙，臣身中玉虚真炁功曹使者、神仙乘骑，各按常次，从紫府玉阁妙门金户而入，周身匝体，缠绕百脉骨节，内填仙炁，外截邪源，炼魂保精，早得飞行。神仙羽骑径升帝宸。咽二十四炁止。

次法师复炉，祝曰：

香官使者、左右龙虎君、侍香诸灵官，当令此间传授之所，自然生金液丹碧芝英，百灵众真，交会在此香火案前，令臣得道，克获上仙。弟子某甲等受福，内外家口蒙恩，十方仙童玉女，侍卫香烟，传奏臣向来言请，径至玉皇上帝几前。

次诵奉戒颂

道为无心宗，一切作福田。一止功无定准，本愿各由人。虚己应众生，注心莫不均。
。大圣崇正教，亦由雨降天。高凌靡不周，常卑故成渊。海为百川王，是能舍龙鳞。
。万劫保智用，岂但在厥年。奉戒不暂亏，世世善结缘。精思念大乘，会当体道真。
。

还戒颂

天尊大慈悲，说戒度众生。威德被幽显，果报感真灵。诸天来稽首，群魔自束形。
过去超八难，见在保千龄。斋福行当息，相共送虔诚。流梵逸云唱，飞香杂烟馨。
琼凤乘丹辇，金龙驾绿鞵。生死皆快乐，家国悉安宁。

毕，师弟子绕坛梵咏还。事了。亦可复炉前，於皇坛上行腾天藉地竟，师弟乃梵咏，
，出西北九天门，勿回顾也。藉地解形符，青书白素上，腾天遁变符，黄书碧绶上。
亦有师云，未言功前，行之毕，次引弟子北向朝太上玉宸四拜，次东向谒大帝君
再拜，次南向礼高上真人再拜，次西向拜天师张君再拜，次三日弟子言功，设斋谢
恩，仪在别卷。次弟子於坛本命之方投简法，次东向叩齿三通，上香祝曰：

无上三天玄元始三炁太上老君，召出我身中三五功曹、左右官使者、左右捧香驿龙
骑吏、侍香玉童、侍香玉女、五帝直符、直日香官，各三十六人出。关启此间土地
、四面真官正神，我今正尔烧香关启，愿得太上十方正真之炁入我身中，令所启上
闻，径御无上至真大圣尊神玉帝几前。

毕，回向王叩齿十二通，读简竟，祝曰：

天开地张，九炁分灵，三元同符，十方玄清，五老上帝，开真领生，丹书赤文，元
始上精，普告无上，九土皇灵，今日上吉，万仙定生，我愿我仙，请投玉名，土府
太皇，勒除罪形，奏简上宫，列簿华青，早得飞升，天地同灵，九祖种亲，腐骸更
荣，魂升南宫，受化仙庭，今日告命，万神咸听，请以金钮，表明至情，请如所告
，金龙驿程。

毕，上香复炉，如上法。

元始灵宝告九地土皇，灭罪言名求仙上法。灵宝赤帝先生女云道士，某甲年若干岁
，某月生，命系九天南斗领籍。解曰：此文云赤帝者，是本命丙午，命系九天者，
是正月二日生，南斗领籍，犹取本命之方，余效此。愿神愿仙，长生度世，飞行上
清，中皇九土，戊己黄神，土府五帝，乞削罪录，勒上太玄，请诣中宫，投简记名
，金钮自信，金龙驿传。

太岁某子某月某子朔某日某子，於某府州县乡里中告文。

右朱书银筒，青纸裹之，青丝缠钮九只，金龙一枚，埋所住中宫。

次谒版，刺版并埋坛之当方。亦可投山洞渊泉中，勿令人得之。凡筒长一尺二寸，阔二寸四分，厚三分。

登坛法信如左：

金钱二万四千，听以铜钱宝物准当。上金九两。五色绶纹各一疋。大席五领。合和香五奩二斗五升。五香炉。七章案。绛纹巾一枚。五尺挟复碧纹巾一枚。五尺挟复五彩杂散花一斗。本命绶，随年尺数。

正月、二月生，则青天领籍，炁系九炁天君。

四月、五月生，则丹天领籍，炁系三炁君。

七月、八月生，则素天领籍，炁系七炁天君。

十月、十一月生，则玄天领籍，炁系五炁天君。

三月、六月、九月、十二月生，则黄天领籍，炁系一炁天君。

随度事月

正月、二月，则云今於三炁天中。

四月、五月，则云今於三炁天中。

七月、八月，则云今於七炁。

十月、十一月，则云今於五炁天中。

三月、六月、九月、十二月，则云一炁天中。

太上洞玄灵宝授度仪竟

太上洞玄灵宝授度仪

《黄录简文灵仙品》云：奉受经法，当为三师开度弟子一十九人，建功立德，诸天有名，乃得登坛告盟，佩受五老赤书真文玉篇，三部八景二十四真，天仙乘骑上真

之官。功名不立，轻受大法，三官所执，生死苦对，考由明法曹。

明真科云：盟用金钱二万四千，以质二十四炁生官。重真之信阙，则三部八景之神不度人命籍。无金钱，铜亦可准。都阙，考属都神曹。

明真科云：用上金五两，以盟五岳，为宝经之信。

《玉诀》云：上金九两，上誓九天，阙则犯慢经之科。五岳灵山不领人学籍，考属阴官曹。

明真科云：用五方纹绶各四十尺，以关五帝为告誓之信；阙则五帝不受人名，为五帝魔王所坏，使人志念不专，考属水官泉曲曹。

明真科云：用金龙、金钮各三枚，投山水土，为学仙之信。不投此，三官拘人命籍，求乞不达。有违考属九都曹。

《玉诀》云：裂南和丹绶五尺，绛纹绶也。为巾於案上，请《灵宝五篇真文》及五符。

《玉诀》云：割碧林之帛五尺青纹绶也。为巾以覆真文符上。

《玉诀》云：令真文五符处丹青中间，以为落发歃血之盟也。青以代发，丹代歃血之盟誓，真人不伤神损德，故以代之尔。

《玉诀》云：五种杂和之香，经乃不记多少，尝用二斗五升可足。又应须五彩杂华一斗，准真人授度时以散十方用之。大席五领，七章案，五香炉奁，又本命绶随年尺数。

右八件物，登坛事信誓用之。

《玉诀》云：春用甲寅、乙卯，夏用丁巳、丙午，四季用戊辰、戊戌、己未、己丑，秋用庚申、辛酉，冬用癸亥、壬子。建王之日登坛也。

《玉诀》云：当於灵岳作高坛，四方栏纂，东西南北王上开五门，安五榜，榜文如左：

九炁青天安宝华林青灵始老君，苍帝君，九炁青牙天君，太上真玉青腰玉女，东乡诸灵官。青华元阳门。青书赤地，安东门上。

三炁丹天梵宝昌阳丹灵真老君，赤帝君，朱丹三炁天君，元炁丈人，朱宫太丹玉女，南乡诸灵官。洞阳太光门。赤书黄地，安南方门上。

元洞太帝天玉宝元灵元老君，太帝真人，子丹黄庭戊己天苍玉女，中黄大帝官君。元黄高晨门。黄书白地，安正门上。

七炁白天七宝金门皓灵皇老君，白帝君，明石七炁大夫，太上白素玉女，西乡诸灵官。通阴金阙门。白书黑地，安西方门上。

五炁玄天洞阴朔单郁绝五灵玄老君，黑帝君，玄滋五炁天君，太上灵君，夜光玉女，北乡诸灵官。阴生广灵门。黑书青地，安北方门上。

九天众灵，五岳名山真人，江河四渎三官九府诸灵官、地仙、玉女，五岳飞仙神仙，诸仙官君。元黄高晨门。紫书黄地，安正门左。

右六榜安着五门上，东西南北四门，依位各一榜。正门上施戊己，九天二榜，着门之左右也。用香炉五枚，施置坛之内。五方以五色缯彩着五案下，又别用一案於坛中，请真文五符经文。又用一案，以奏表度事，合七案。金钱之物，列度事案前。

《黄录简文》云：受法当依明科，赍信诣师，对斋七日，黄缯章表，奏言诸天所受书文。露坛一宿，无有风炁，文不吹摇，骨名合法，告盟而传；为风所吹，使退斋三日，便如先法。三过被风，其人先无玄名善功，三界不举，五帝不保，骨炁不合，不得轻传。考由司正曹。

灵宝大盟宿露真文，拜表出官，启奏次第如左：

於名山坛地置竟，师与弟子俱从地户入，左回，师入内坛王门，北向三捻香。先以弟子所受真文二籙篆着案上。

弟子往外坛，南面北向三拜，伏地稽首对章，师鸣天鼓三十六通。

次发炉如法，

次出官。

谨出臣身中五体真官功曹吏，出臣身中三洞飞仙，上三天执法开化阴阳功曹、度道消灾散祸解厄君吏，各十一人出。上高真臣身治职君吏，某治建节监功大将军，前部效功后部效杀驿庭令、驿庭丞，四部监功谒者，臣身中仙灵直使正一功曹、治病功曹、左右官使者，阴阳神决吏、科车赤符吏、刚风骑置驿马上章吏等，各二人出

。出者严装显服，冠带垂纓，整其威仪。直使功曹戴通天之冠，衣皂执单衣；正一功曹冠朱阳之帟，绛章单衣；使者冠九德之冠，五色寿命单衣，腰带虎符，左佩流金火铃，右佩豁落七元，齐执玉简。直使功曹住立中央，治病功曹营卫臣身，左官使者持幢在前，右官使者建节在后，阳神决吏立左，阴神决吏立右，上部功曹远望上天，中部功曹远瞻八方，促炁功曹催促十方，都官使者匝绕臣身。郎吏虎贲，察奸钩骑都官仆射，天绹甲卒，天丁力士，收炁食炁吏，收神食神吏，收鬼食鬼吏，收精食精吏，收毒食毒吏，收邪食邪吏，诛符破庙吏，科车赤符吏，刚风骑置驿马上章吏，飞龙骑吏，屯住臣等前后。左右功曹使者，严装事竟，罗列卤簿，关启灵宝官属，监斋仙王，典经侍郎，卫灵司马，三洞诸君官将吏，天师所布下二十四治、三十六靖庐、七十二福地、三百六十名山昆仑等上官三万六千余神，日月星宿、璇玑玉衡、天地五帝、三界官君将吏，及道上二玄三元四始，四面方位风炁炁甲子诸官君将吏，考召东九夷胡老君、南八蛮越老君、西六戎氏老君、北五狄羌老君、中央三秦伧老君、五岳四渎丘沼君，诸庙神所在高山卑谷山林孟长、十二溪女、根源本始土地之主，社稷将吏，一时严装，与臣身中功曹使者、飞龙骑吏，上启太上玄元太上帝君、太上老君、太上丈人、无上玄老、十方无极大道道德众圣天尊、至真大帝、天帝、天师、女师、三师君、夫人门下，行文书事十二书佐，按章从事，操臣谨授上学道士某甲等灵宝大法灵真文、八景内音二篆黄素表一通，在玉案上，请省。出官讫。

次读表文，

次重约敕。

重敕臣身中五体真官、官一小吏、十二书佐，严装显服，冠带垂纓，及时操臣拜露真文章表，上诣太上曹，随事进对。误字为易，脱字为益，若言辞倒错，寻逐治正，必使上合，无令上官有所谴却，六天群魔、下官故炁，断截公文，分别关奏，以时上达，伏须告报。

次起北向，叩齿九通，祝曰：

高上元始，九天灵尊，上真玄遐，道幽琼轩，三五运推，七宿改晨，

虚皇控轡，五帝定仙，青宫总录，符命灵山，是日元吉，万真开陈，

上学甲乙，宿命因缘，得遇神经，上皇宝篇，谨於玄岳，上盟九天，

下告五帝，十二河源，乞丐记领，奏上高晨，普告万灵，列位皇坛，

营卫威式，按如太真，须到明日启传。

次复官。

臣身中功曹使者、篆上将军吏兵、上章之官，效力事讫，还入臣身中，在左还左，在右还右，安隐九宫六府、金堂玉室、十二关机之中，缠身绕骨，经卫百脉。若有典主保护臣身，直使功曹差次检押，无令错互，须臣后召复出，奉行一如故事。鸣法鼓三通，咽炁三过。

次起再拜，复炉如法。毕，师与弟子从地户出。

明日登坛告大盟次第法

平旦言功竟，弟子若多，改坛如前。用六榜安着五门上，东西南北四门依位各一榜，王门上施戊己、九天二榜，着门之左右也。诀云：中央门在正门下季上，如春在丑，众真门在正门上孟上，如春在巳，他效之。如弟子少，即用斋坛，依常黄篆斋法也。更铺设修饰，严净布置。升坛所须等物悉具备，鸣钟，法师与弟子临坛。三师五保，严装法服，弟子皆玄冠黄褐，执简齐肃，香花赞引，悉皆如法。先引弟子绕坛三匝，至东南角，向西倚，赞唱勿停。次引师复绕坛三匝，至西北角倚。师去坛三十步，或七步，便叩齿三十二通，思紫云覆冠。一坛或一山五帝神兵各十万人，来迎兆身，了了分明，乃祝曰：

神真出游，万帝骇惊，玉虚玄卫，天宿倒倾，五岳司官，莫不辅灵，

命召十方，驱策天兵，率天以下，咸到皇庭，令我登仙，洞得道精，

审知不祥，通幽究冥，所向所陈，悉合玉清。

毕，乃徐行登坛，从西北天门入户，祝如法。升都坛左回，向西北九拜，朝九天主讫，叩齿九通，祝曰：

臣甲今传弟子某甲九天宝经，至上玉讳，清斋宿奏，气命合真，乞告下监真玉仙、典录侍郎、卫灵司马，下监盟文，及所启所付，毕得上闻。〔绕〕坛左行，还向东南，再拜。又启曰：

高上元始天王，今日上愿八会，日吉时清，谨於玄坛，或云岳。盟度玄经，乞丐告下五帝灵山，监臣盟誓，早赐神仙，得乘飞輶，上升帝晨。毕，法师倚，次命弟子从东南地户入都坛上，向西北九拜。竟，师左回立地户上，弟子左回立天门上，回向东南，再拜，还北面南向伏。师回北向立，叩齿三十六通，诵《金真太空章》一篇，以制万魔。其辞曰：

天魔乘空发，万精骇神庭。托化谣歌章，随变入无名。器气何纷纷，秽道当涂生。云中舍朱宫，北帝踊神兵。鼓洋自知道，玄运来相征。上景御飞轡，迅驾检云营。促校北帝录，收执群魔名。豁落张天罗，放威掷流铃。金真辅空洞，玉光焕八冥。金玄守上宫，神虎戮天精。剪灭万祆炁，亿亿悉齐平。上承九天信，啸命靡不倾。招真究三洞，慧诵朗自清。八道望玄文，七转纬天经。混合帝一真，拔度七祖程。消灭五苦根，反魂更受荣。金光曜寂室，神烛自然生。香华散玉宇，烟气彻玉京。帝遣徘徊辇，三元降绿輶。迅驾腾九玄，朝我玉皇庭。

毕，便左行，弟子随师从天门入内坛，一云天门入。左回。三上五方香，从东始，周竟还西，面向东。法师闭目，内思存见五脏、五岳、五星、五帝，备卫身中，映盖一体，体作金色，从肺后出，项有圆光如日像，使照明十方，身中了然，尽见内外。毕。

次诵卫灵神祝曰：

九炁青天，明星大神，焕照东乡，洞映九门，转烛阳光，扫秽除氛，开明童子，备卫我轩，收魔束祆，上对帝君，奉承正道，赤书玉文，九天符命，摄龙驿传，普天安镇，我得飞仙。

南方丹天，三炁流光，荧星转烛，洞照太阳，上有赤精，开明灵童，总御火兵，备守三宫，斩邪束祆，剪截魔王，北帝所承，风火八冲，流铃交换，敢有不从，正道流行，我享上功，保天长存，亿劫无终。

七炁之天，太白流精，光曜金门，洞朗太冥，中有素皇，号曰帝灵，保神安镇，卫我身形，断截邪源，王道正明，宫宅整肃，三景齐并，道合自然，飞升紫庭，灵宝符命，普惠万生，功加一切，天地咸宁，

北方玄天，五炁徘徊，辰星灿烂，光曜太微，黑灵尊神，飞玄羽衣，备卫五门，检精捕非，敢有干试，豁落斩摧，玉符所告，神真八威，邪门闭塞，正道明开，映照我身，三光同辉，策空驾浮，举形仙飞。

黄中理炁，总统玄真，镇星吐辉，流焕九天，开明童子，一十二人，元气阳精，焰上朱烟，同照一室，及得我身，百邪摧落，杀鬼万千，中山神咒，普天使然，五灵安镇，身飞上仙。

次叩齿二十四通。

次发炉祝曰：

无上三天玄元始三炁太上老君，召出臣甲身中三五功曹、左右官使者、左右捧香驿龙骑吏、侍香玉童、散花玉女、五帝直符直日香官，各三十六人，出关启此间土地里域真官正神。臣今正尔烧香传授，愿得太上十方正真生炁降注臣身中，令臣所启速达，径御至真无极道前。

次师引弟子左行，执谒版，西面向东，唱东方天尊，方各三拜。亦可一拜，亦可不须版，直依方唱。次南、次西、次北、次东北、交东南、四次西南、次西北、次上方、次下方，具如一文。

臣等至心归命东方无极太上灵宝天尊、苍帝九炁天君、东乡诸灵官。某帝先生姓氏名再礼谒。十方并同。

至心归命南方无极太上灵宝天尊、炎帝三炁天君、南乡诸灵官。

至心归命西方无极太上灵宝天尊、白帝七炁天君、西乡诸灵官。

至心归命北方无极太上灵宝天尊、黑帝五炁天君、北乡诸灵官。

至心归命东北无极太上灵宝天尊、梵炁始青天君、东北乡诸灵官。

至心归命东南无极太上灵宝天尊、梵炁始丹天君、东南乡诸灵官。

至心归命西南无极太上灵宝天尊、梵炁始素天君、西南乡诸灵官。

至心归命西北无极太上灵宝天尊、梵炁始玄天君、西北乡诸灵官。

至心归命天门上方无极太上灵宝天尊、玄都玉京金阙七宝玄台紫微上宫三十二天上帝、飞梵大罗天君、真人玉女、上方诸灵官。

至心归命地户下方无极太上灵宝天尊、九土高皇、四司五帝、阴阳水府十二仙官、洞渊洞虚洞元三十六地元皇天君、五岳四渎地上诸灵官。

至心臣谨按太真盟诀斋诀，登坛办具，以昨某时表灵尊文，期诚琼轩，众灵辅位，致使雨寝嘉辰，风息清暑，延兹十天，三炁流光，威式云布，无上开陈。某甲洪幸，谬兴难克之因，叨冀难成之果，谨依法启传符，自始迄终，得离风雨，使佩受后，愿无蹶碍。各叩头搏颊。

至心次法师就位，东向，弟子还东面，西向伏地。法师长跪，又叩齿二十四通。出官。

至心谨出臣身中五体真官功曹吏，出臣身中灵宝洞玄三部八景洞天八府飞天上仙官，各二十四人出。

三部八景洞天飞行三五直灵神仙正一升玄功曹，各二十四人出。

三部八景洞天飞行三五直灵神仙直使生炁功曹，各二十四人出。

三部八景洞天飞行三五直灵神仙灵宝青帝功曹，各二十四人出。

三部八景洞天飞行三五直灵神仙灵宝赤帝功曹，各二十四人出。

三部八景洞天飞行三五直灵神仙灵宝黄帝功曹，各二十四人出。

三部八景洞天飞行三五直灵神仙灵宝白帝功曹，各二十四人出。

三部八景洞天飞行三五直灵神仙灵宝黑帝功曹，各二十四人出。

三部八景洞天飞行自然灵宝神仙通真度命使者，各二十四人出。

三部八景洞天飞行自然灵宝神仙传事飞天使者，各二十四人出。

三部八景洞天飞行自然灵宝神仙香官生炁使者，各二十四人出。

三部八景洞天飞行自然灵宝神仙洞明青帝使者，各二十四人出。

三部八景洞天飞行自然灵宝神仙洞明赤帝使者，各二十四人出。

三部八景洞天飞行自然灵宝神仙洞明黄帝使者，各二十四人出。

三部八景洞天飞行自然灵宝神仙洞明白帝使者，各二十四人出。

三部八景洞天飞行自然灵宝神仙洞明黑帝使者，各二十四人出。

三部八景洞天飞行自然灵宝神仙监功谒者，各二十四人出。

三部八景洞天飞行自然灵宝神仙校事谒者，各二十四人出。

三部八景洞天飞行自然灵宝神仙侍香玉童，各二十四人出。

三部八景洞天飞行自然灵宝神仙散花玉女，各二十四人出。

三部八景三十二天洞天八景飞行灵宝五帝直符，各二十四出。

出者各依仪严装、天衣仙服，冠带垂纓，齐光显曜，整其威仪。建九色之节，执简持幢，把召神之信，命魔灵旛，各按位署列住十方，散花烧香，营侍臣身。

太玄三部洞天八景自然灵宝飞仙度命天仙兵马各九亿万骑出。

太玄三部洞天八景自然灵宝神仙度命地仙兵马各九亿万骑出。

太玄三部洞天八景自然灵宝神仙度命飞仙兵马各九亿万骑出。

太玄三部洞天八景自然灵宝神仙度命真人兵马各九亿万骑出。

太玄三部洞天八景自然灵宝神仙度命神人兵马各九亿万骑出。

太玄三部洞天八景自然灵宝神仙度命日月兵马各九亿万骑出。

太玄三部洞天八景自然灵宝神仙度命星宿兵马各九亿万骑出。

太玄三部洞天八景自然灵宝神仙度命九宫兵马各九亿万骑出。

太玄三部洞天八景自然灵宝神仙度命五帝兵马各九亿万骑出。

太上三部洞天八景自然灵宝神仙度命五岳兵马各九亿万骑出。

太玄三部洞天八景自然灵宝神仙度命三河四海兵马各九亿万骑出。

太玄三部洞天八景自然灵宝神仙度命诸天督仙兵马各九亿万骑出。

太玄三部洞天八景自然灵宝神仙灭度生尸兵马各九亿万骑出。

太玄三部洞天八景自然灵宝神仙开度更生兵马各九亿万骑出。

太玄三部洞天八景自然灵宝神仙金龙骑各九亿万众出。

太玄三部洞天八景自然灵宝神仙飞龙骑各九亿万众出。

太玄三部洞天八景自然灵宝神仙游龙骑各九亿万众出。

太玄三部洞天八景自然灵宝神仙神龙骑各九亿万众出。

太玄三部洞天八景自然灵宝神仙驿龙骑各九亿万众出。

太玄三部洞天八景自然灵宝神仙云龙骑各九亿万众出。

太玄三部洞天八景自然灵宝神仙龙虎骑各九亿万众出。

太玄三部洞天八景自然灵宝神仙龙腾骑各九亿万众出。

太玄三部洞天八景自然灵宝神仙度命九炁天官青牙玉女各二十四人出。

太玄三部洞天八景自然灵宝神仙度命三炁天官朱丹玉女各二十四人出。

太玄三部洞天八景自然灵宝神仙度命七炁天官明石玉女各二十四人出。

太玄三部洞天八景自然灵宝神仙度命五炁天官玄滋玉女各二十四人出。

太玄三部洞天八景自然灵宝神仙度命中央黄上天官灵剑玉女各二十四人出。

太玄三部洞天八景自然灵宝神仙东岳青帝主图飞天吏各二十四人出。

太玄三部洞天八景自然灵宝神仙南岳赤帝主图飞天吏各二十四人出。

太玄三部洞天八景自然灵宝神仙中岳黄帝主图飞天吏各二十四人出。

太玄三部洞天八景自然灵宝神仙西岳白帝主图飞天吏各二十四人出。

太玄三部洞天八景自然灵宝神仙北岳黑帝主图飞天吏各二十四人出。

真仙神官，兵马乘骑，一合屯住臣前后左右，罗列行伍。自然五色素云映盖身形，流精散炁，布满十方，周天覆地，营卫臣身。一切严装事讫，正一升玄功曹、通真度命传事飞天使者、五帝直符直事，擎玄空之案，对在臣前，衔臣口中辞语，分别关启上下中央、四面八方天官地神、五岳四渎九江八极名山大泽五帝真官、四司监察、九部考召、玄元始炁甲子诸官君、无穷无极无高无下无深无浅无幽无显无鞅数众真官注炁乾皇、九宫八卦六甲真人、根元本始土地之主、社稷将吏，一时严装，与臣身功曹使者、飞龙驿龙骑、直符直事，上启无上元始太上大道、五老上帝至真

大圣尊神玉陛下，十方无极大道道德众圣天尊、太帝、天帝、玄中大法师诸官君。臣以有幸，宿世因缘，九天之劫，延及今身，遭遇明运，大法流行，得以稟质，参染灵文上清金书三洞宝经。自叨窃以来，尊仰上法，心希神仙，而精诚浅薄，未能感灵，常恐罪至，沦没九泉。天慈广大，首领得全，诚宜守短，不敢有言。今三洞御运，灵宝下教，先度并升，仙官空缺，应须中贤，以充诸天。臣受法之日，应更度人，先有宿名金格玉录，合真之人，周历八极，从虚无中来。今有宿命某岳真人某甲，年若干岁，体行真素，骨命合真，已受上法九天灵文。所参浅狭，未见道源，信向苦至，祈请积年。今赍金缙法信，求受臣所佩元始五老赤书玉篇真文、金书紫字玉文丹章、二十四真三部八景图神仙乘骑、诸天内音自然玉威策录八字等文，神杖众事，盟命宝经，投诚启诉，九祖为证，誓为身宝，约无愆违。臣受法禁重，不敢轻宣，备加核实，辞诚愈坚，察其丹心，谓可成就。既法有开度，不敢闭绝。辄按《黄篆简文灵仙科品》，与某甲对斋三日，宿露真文，天清地静，四气恬然，不风不扬，应法合真。今谨依先师旧典，明真大法、玉诀之要，付授某甲身，共登皇坛。金缙镇灵，谨先拜黄缙赤表一通，上诣九天，表露在玉案上，分别请省。

次读表文，

又叩齿三通，送表。

谨遣臣身中五体仙官乘骑、重勅功曹使者、奏事直符传言书佐，严装显服，冠带垂纓。及时操臣度道黄缙赤表一通，上诣元始五老上帝、至真大圣尊神御前。若所言倒错，文字谬误，不依旧法者，愿为随事正定，必使上合，无令上官典者有所谴却。若有邪魔鬼贼干截公文者，收付所在禁狱，依事治罪。令臣所上御达，所愿必至，恩惟原理，伏须告报。

次弟子左转，南向、师左回，

北向、长跪。鸣鼓三十六通。

太上灵宝无上洞玄法师某甲先生，臣岳甲稽首再礼，谨上请太极典经仙郎、侍经玉郎、监度司马、四司五帝、玉童玉女，手执紫毛之节、十绝灵旛，从万神千真，前吹凤鸣，后奏天钧，烧香散花，一时浮空而降。天仪罗列，监度盟言。臣谨因众真仙官、飞龙驿吏，上启太上无极大道、太上大道君、元始五老上帝、灵宝元尊、十方自然至真、四方大圣、金阙上帝、太极真人、太上玄一三真人、清玄众尊琼阙下，臣以下愚，行尸臭肉，宿福愿会，遭遇真经，得奉受大法三洞宝文。道高理妙，非所任当，夙夜惧惕，形魂无宁。臣某诚惶诚恐，顿首顿首，死罪死罪。臣谬忝非分，冒敢献言，伏寻尊经秘重，渊迹洞源，诚非小臣所可揄扬。且明科典制，五八听传，臣佩法始浅，未宜宣露。但大会垂周，世运短促，祸福交谢，道须忠贤广加开度，令入法门。虽今人情浮伪，虚实难明，然至心翘翘，微在可识，勤求款到，

不得闭绝。臣向拜表上闻，谨有某帝真人某甲，体性慈仁，质素竟白，抗心高上，不务荣华，耽虚味真，愿慕神仙，参履上法大乘之教，劝化开度，立德建功，恭勤丹苦，孜孜不倦，钻励积载，志极道源。今赍金缙宝信，受真之具，誓诉诸臣，九祖为证，求佩灵宝元始五老赤书真文宝符、三部八景二十四真神官吏兵、诸天内音玉字、八威策文神杖众事，如臣所见。某甲骨性志行，宜合成就，谨依明真旧典，建坛立盟，告誓九天，按科付授。约为身宝，不得负违，轻泄漏慢，毁本伐宗，生死父母，及得某身，受考风刀，万劫无原。恩惟太上众尊、十方圣真、四司五帝，昭鉴盟言，谨以启闻，须御奉行。臣某诚惶诚恐、稽首再拜。

次法师启奉毕，於是起，弟子从师后，三上五方香，从东始，每至一方，辄长跪上香。周竟，便巡行三匝，散花十方。于时当诵咏五真人颂诵一篇。弟子再礼唱善。

太极真人颂曰：

太上大道君，出是灵宝经。高妙难为喻，犹彼玄中玄。自然无为道，学之得高仙。大乎洞虚经，安坐朝诸天。上宝紫微台，下藏诸名山。灿烂龙凤文，戢耀在无间。妙哉太上道，无为常自然。王侯及凡庶，所贵唯忠贤。宿命有福庆，卓拔在昔缘。法师转相授，宝信劫数年。广念度一切，大福报尔身。供养必得道，奉行成至真。大道无彼我，传当得其人。

太上玄一第一真人颂曰：

众妙出洞真，灿烂耀太清。奉者号仙人，体无永长生。逍遥戏玄虚，宫殿罗无形。蒨粲七宝林，晃朗日月精。龙鳞交横驰，凤凰翔悲鸣。太上治紫台，众真诵洞经。揲香稽首礼，旋行绕宫城。三周归高座，道王为应声。人主宏至道，天下普安宁。

太上玄一第二真人颂曰：

虚无常自然，强名字大道。缅邈无边际，众妙归灵宝。闭眼存至真，精思降十老。升仙永无为，灵颜常妙好。渴饮玉池醴，饥食金光草。静慧度八难，济世诸苦恼。

太上玄一第三真人颂曰：

妙哉灵宝经，太上自然文。奉者致得仙，号曰真天尊。受命宣道教，真为超俗才。事毕升神仙，宫殿治玄台。时降昆仑山，逍遥憩蓬莱。

太上正一真人三天大法天师颂曰：

灵宝及大洞，至真道经王。如有五千文，高妙无等双。奉行立飞仙，玄居治虚空。

侍卫太上台，逍遥紫微宫。万劫犹电顷，长存永无穷。道眼已备足，豁落自冥通。幽昧无不知，安坐观十方。

诵毕，法师弟子各还复位，南北相对，披真文於案上。师诵真文序毕，弟子再礼，次依玉诀正音，字字解说，口授读度。弟子承受诀言，东方安宝华林青灵始老九炁青天赤书真文。

东方赤书玉篇

东方九炁，始皇青天，碧霞郁垒，中有老人，总校图绿，摄炁举仙，岁星辅肝，角亢镇真，氏房心尾，四景回旋，箕主七辰，玉斗明轮，承炁捕非，扫除灾群，东山神咒，摄召九天，赤书符命，制会酆山，束魔送鬼，所诛无蠲，悉诣木宫，敢有稽延，下制东河，溟海水神，大劫洪灾，蛟龙负身，水府开道，通径百千，青帝赤文，风火无间。

南方赤书玉篇

南方丹天，赤帝玉堂，中有大神，号曰赤皇，上炎流烟，三炁勃光，神仙受命，应运太阳，荧惑辅心，井鬼守房，柳星张翼，抗御四乡，轸总七宿，回转天常，召运促会，正道驿行，赤文命灵，北摄酆山，束送魔宗，斩灭邪原，符教所诛，明列罪源，南山神咒，威伏万方，群祆灭爽，万试摧亡，南河水帝，太伯龙王，神咒流行，普扫不祥，洪水飞灾，止蛟召龙，开除水径，千道万通，敢有干试，摄送火宫，赤书所告，莫有不从。

中央赤书玉篇

中央总灵，黄上天元，始生五老，中黄高尊，摄炁监真，总领群仙，典录玄图，宿简玉文，催运上炁，普告万神，镇星辅脾，回度北元，魁魁主非，截邪斩奸，魑魍魑魍，扫秽除氛，魑正玄斗，明度天关，九天符命，金马驿传，勅摄北帝，遏塞鬼门，剪除不祥，莫有当前，中山神咒，召龙上云，制会黄河，九水河源，不得殆纵，善恶悉分，千祆万奸，上对帝君，莫有干试，太阳激愤，赤书玉字，宣告普闻。

西方赤书玉篇

西方素天，白帝七门，金灵皓映，太华流氛，白石峨峨，七炁烟煜，上有始生，皇老大神，总领肺黑，主校九天，检定图录，制召上仙，太白检肺，奎娄守魂，胃昂毕觜，主制七关，参总斗魁，受符北元，赤书玉字，九天正文，摄召万炁，普归帝君，西山神咒，八威七传，符水上龙，召山送云，在所校录，同到帝门，辅卫上真，斩灭邪源，若有不祥，截以金关，赤书符命，风火驿传。

北方黑帝赤书玉篇

北方玄天，五炁徘徊，中有黑帝，双皇太微，总领符命，仙炼八威，青裙羽属，龙文凤衣，上帝所举，制到玉阶，北辰辅肾，斗牛卫扉，女虚危室，豁落四开，辟总七星，执凶纠非，却灾扫秽，明道洞辉，北山神咒，激阳起雷，流铃焕落，攫天振威，北酆所部，万祆灭摧，九河倾汭，鸟母群飞，蛟龙通道，水陌洞开，赤文玉书，驿龙凤驰。

五魔玉讳

九炁天中空洞青灵魔王，姓巴元，讳丑伯。三炁天中空洞赤灵魔王，姓负天，讳担石。中黄高皇天中空洞黄灵魔王，姓横天，讳担力。七炁天中空洞白灵魔王，姓反山，讳六目。五炁天中空洞黑灵魔王，姓监丑，讳朗馥。

度上部八景

清微天主上部赤字玉诀

青书玉字，三十二字。

上天虚无，玄洞九五，太上阿房，统灵威户，玉衡摄气，脑华玄睹，统御上部，通神达古。

度中部八景

大赤天主中部赤字玉诀

朱书玉字，三十二字。

赤明开真，三天气和，洞丹阳光，五藏不枯，丹天所宝，朱宫扶苏，纳炼流泉，朱元无徂。

度下部八景

禹余天主下部赤字玉诀

黄书玉字，三十二字。

黄中理气，元生自尊，胃管幽通，六府俱存，白元公子，桃康德淳，养育朱丹，洞

神往还。

东方青帝八会内音自然玉字九炁总诸天文

亶娄阿会，无和观音，须延明首，法揽菩昙，稼那阿奔，忽诃流吟，华都曲丽，鲜菩育臻，答落大梵，散烟庆云，飞洒玉都，明魔上门，无行上首，回跢流玄，阿陀龙罗，四象吁员。

诀：东方内音毕，弟子回心，东向伏，冥目。师叩齿九通，祝曰：

赤明开图，八炁回真，总统玄门，青帝大神，流化九外，缠绵我身，灵音八书，六十四篇，洞明天地，与我合仙，运致龙驾，上升帝轩。

毕，弟子仰头，九咽炁，次读细字，唱度之，横读之也。

南方赤帝八会内音自然玉字三炁总诸天文

南燭洞浮，玉眸洗洗，梵形落空，九灵推前，泽洛菩台，绿罗大千，眇莽九丑，韶谣缘邐，云上九都，飞生自骞，那育郁馥，摩罗法轮，霤持无镜，揽资运容，馥朗廓奔，神纓自宫。

诀：南方内音毕，弟子回心，南向伏，冥目。师叩齿三通，祝曰：

三炁徘徊，灵凤来飞，玉音八字，灿烂紫微，日吉大庆，我道洞开，朱丹哺饲，仰吸灵辉，生生水火，绛被羽衣，登空玄步，足践凤梯，周旋八天，七祖相随。

毕，弟子仰头三咽炁，次度细字。

西方白帝八会内音自然玉字七炁总诸天文

刀利禅猷，婆泥咎通，宛薺滌色，大眇之堂，流罗梵萌，景蔚肃嵎，易邈无寂，宛首少都，阿滥郁竺，华莫筵由，九开自辩，阿那品首，无量扶盖，浮罗合神，玉诞长桑，栢空度仙。

诀：西方内音毕，弟子回心，西向伏，冥目。师叩齿七通，祝曰：

七炁金灵，八天尊神，白虎策辈，师子捧轡，七炁缠绵，炼我成仙，身发金光，肺照素云，内外变化，升入洞门，七祖出夜，九幽放魂，三徒五苦，长斩恶根，同欢福舍，受庆自然，亿劫开度，随运长存。

毕，弟子仰头，七咽炁，次度细字。

北方黑帝八会内音自然玉字五炁总诸天文

纁无自育，九日道乾，坤母东覆，形摄上玄，陆罗育邈，眇炁合云，飞天大丑，总监上天，沙陀劫量，龙汉瑛鲜，碧落浮黎，空歌保珍，恶奔无品，洞妙自真，元梵恢漠，幽寂度人。

诀：北方内音毕，弟子回心，北向伏，冥目。师叩齿五通，祝曰：

玄天徘徊，流景上清，大有启运，八字高明，飞玄澄虚，洞音自生，五炁缠绵，灌我身形，冠带北单，受炼洞灵，肾府化出，内外光精，飞行三界，邀宴紫庭，七祖同庆，欢乐劫龄，七宝林中，反胎更形，长夜灭死，南宫记名，黄篆白简，削死上生。

毕，弟子仰头，五咽炁，次度细字，次读太岁以下盟文。

次度策文

封八威策法，先读弟子名，次读师名。

上版符诀曰：

天灵步兵，太一升天，在地关白，生天命威，命主尸骨，星地命出，月天地度。

又诀曰：

焰明灵威仰，洞浮极炎赤燿弩，通班元成含枢杻，上金昌开曜魄宝，黑节灵会隐侯局。

下版符诀曰：

太上太一版，真经黄帝书。

又诀曰：

慧灵开洪灾度人。

次思前从飞龙，后导天钧，凤啸鸾鸣，十二华光，建三七色节命灵之旛，给五帝玉

童玉女各十二人。五帝侍卫，三界司迎，弟子受策，长跪师前。勅众符曰：

东流之水，徘徊五城，魄入魂出，澡炼身形，某甲奉受，灵宝众符，永得长生，急急如太上律令。

次封策两头祝曰：

元始太真，五灵高尊，太华皓映，洞朗八门，五老告命，无幽不闻，上御九天，中制酆山，下镇河海，十二水源，八威神咒，灵策玉文，召龙负水，收炁聚云，束魔送鬼，扫荡祆群，万精摧落，所诛无蠲，日月五星，北斗七元，诸天诸地，诸水诸山，玉真所部，溟泠大神，仙王游宴，五帝杖旛，天丁前驱，金虎后奔，攫天猛兽，罗备四门，所呼立到，所召立前，赤书焕落，风火无间，有所摄验，金龙驿传。

祝毕，叩齿九通，仰天三啸，引炁三咽止。用元始五老印封策毕。次封杖法，叩齿三十六通，冥目思五帝史，各一人，衣随方色，有五色之光，流焕杖上。五帝玉女各一人，合共卫杖左右。毕，先以杖横捧於师前，头向左，此师行之。

次师执青帝符，命弟子看。诀曰：青帝姓区，名更生。竟授与弟子，弟子得符，东向叩齿九通，思青炁从口中入注肝中，生九重青华，宝光彻映项后。毕，还授符与师，师纳上第一孔中。竟，师祝曰：

无上青精，九炁太灵，神光遐散，流映东青，华景郁勃，灌子身形，宫府安镇，宝魂自生，洞达八朗，飞升玉庭。

毕，弟子引炁九咽止。次师执赤帝符，命弟子看，诀曰：赤帝姓祝，名昌中。竟，授与弟子。弟子得符，南向叩齿三通，思赤炁从口中入注心中，生三重丹华，宝光彻映胸中。毕，还授符与师，师纳上第二孔前。竟，师祝曰：

丹华流瑛，宝芝生光，神精彻幽，散灵八方，直符摄炁，啸命朱童，三精焕敷，注子绛宫，赤神安镇，五香溢充，洞映形外，表裏发光，身生水火，独步飞行。

毕，弟子引炁三咽止。次师执黄帝符，命弟子看，诀曰：黄帝姓司，名精。竟，授与弟子，弟子得符，向王上叩齿十二通，思黄炁从口中入注脾中，生十二重黄华，宝光洞映一身。毕，还授符与师。师纳上第三孔中。竟，师祝曰：

总元高灵，回神四乡，黄上散华，五帝交芳，流精散漫，十二重光，混合子形，万神相迎，安备黄脾，养炁中房，保龄度劫，永镇无穷。

毕，弟子引炁十二咽止。次师执白帝符，命弟子看诀曰：白帝姓辱，名曲正。竟，

授与弟子。弟子得符，西向叩齿七通，思白炁从口中入注肺中，生七重素华，宝光洞映丹田。毕，还授符与师，师纳上第四孔中。竟，师祝曰：

金灵七炁，素华流纷，金精童子，道建元巾，带符摄炁，

万神会门，宝光弈弈，照子会根，安镇肺华，万劫长存。

毕，弟子引炁七咽止。次师执黑帝符，命弟子看，诀曰：黑帝姓玄，名尹丰。竟，授与弟子。弟子得符，北向叩齿五通，思黑炁从口中入注肾中，生五重玄华，宝光洞映背外。毕，还授符与师。师纳上第五孔中。竟，师祝曰：

北上大玄，五炁徘徊，宝华五重，流光焕辉，灵景郁秀，

洞映太微，仰注子身，肾府鲜开，安镇灵宅，万神总归，

身生羽翼，举形自飞。

毕，弟子引炁五咽止。次纳符竟，以朱蜡封杖两头空处，上用元始之章印之，下以五老之章印之。毕，弟子叩齿三十六通，思五帝直符吏各一人，衣随方有五色之光，流焕杖上；五帝玉女各一人，合共卫杖左右。弟子依前横捧杖。师祝之曰：

太阳之山，元始上精，开天张地，甘竹通灵，直符守吏，

部御神兵，五色流焕，朱火金铃，辅翼上真，出幽入冥，

招天天恭，摄地地迎，指鬼鬼死，祆魔束形，灵符神杖，

威制百精，兴摄群方，与我俱生，万劫之后，以代我形，

景为五解，神升上清，承符告命，靡不敬听。

毕，引五方炁二十五咽，止。

次师告丹水文

某岳先生大洞法师臣某甲，告弟子某甲等：元始天尊於眇莽之中，敷演真文，结成妙经。劫劫济度，无有穷已，如尘沙巨亿无绝。灵文隐奥，秘于金阁，众真宗奉，诸天所仰。逮于赤鸟，降授仙公，灵宝妙经，於是出世度人。吾谬稟微缘，运值灵文，先师显饰，奉传至法，誓为身宝，岂敢宣泄。劫运推移，其法应行，有合真之

人，依科听付。今誓九天，启付某甲，受经之后，当依明科，肃己励躬，精诚勤苦，断绝世缘，唯志大乘，供养朝礼，讲习妙蹟，参问有道，导引精研，修斋服御，希求飞腾，尊道敬师，推崇根本，不得喷噉，有面无心，攻伐本根，自造无端。轻慢经宝，皮好胎诞，淫欲贪着，嫉妒恚恨，胸心谄楚，怀毒在内，一旦犯违，身充三泉。当以某甲三曾五祖，同沦地岳，万劫无原。今建立黄坛，关盟五帝，付授宝文十部妙经，诸天五岳，咸对盟文，检行慎法，抱於中心，飞仙可期，终成道真，善自肃励，如四极明科律文。

次弟子自盟文

某府县乡里某岳先生洞玄弟子某甲，稽首再拜，上启元始天尊、太上道君、十方尊神、四方已得道至真。太上灵宝三十六部尊经宝符，高玄大法师某，因缘宿福，九天之劫，轮转不灭，庆祚所逮，轮化所籍，得生法门。先缘发愿，仰羨至闕，法板大乘，心神欣踊，自恐腐骸。今遭天运推移，皇道数行，蒙法师某甲所见拔擢，开导愚蒙，赐臣灵文，奉对圣君。肉尸惶惧，洗除浊秽，得侍灵坛，俯荷拔擢，荣过分表。某当励己肃体，供养尊礼，弃情退累，志托幽阜，长乖世涂，唯志丘岩，昼夜朝拜，思竭愚管，庶凭圣文，拔度朽骸，至心慙慙，无有二念，不敢违盟负誓，欺师慢道，有面无心，不保劫数。某自收罪考，吞声敢言，引某七世父母、九玄祖考，以为证誓，见世生人、九族种亲以为盟约。某自乐仙道，时不敢拘迫，一日有违，生死同沦地岳五道，不敢蒙原。上告元始，下誓五帝，身对师宝，自立盟誓。丹情至心，唯蒙矜纳。臣某诚惶诚恐，稽首再拜。

次师起立北向，左手执真文二录。弟子长跪，以右手持信物，师叩齿三十六通，存五藏之色，令备具合成宝盖之云罗，覆经及师。从而祝曰：

天书简不烦，道德自备足，修之必神仙，当复何所欲，文耀太无间，焕然而朗郁，传授悉依法，泄慢堕地狱。

次弟子跪，九拜，三起三伏，奉受真文，带策执杖，礼十方一拜。从北方始，东回而周讫。想见太上真形如天尊象矣。毕，次师起巡行，咏步虚。其辞曰：

稽首礼太上，烧香归虚无。流明随我回，法输亦三周。

玄愿四大兴，灵庆及王侯。七祖生天堂，煌煌曜景敷。

啸歌观大漠，天乐适我娱。齐馨无上德，下仙不与俦。

妙想明玄觉，诜诜乘虚游。

旋行蹑云纲，乘虚步玄纪。吟咏帝一尊，百关自调理。
俯命八海童，仰携高仙子。诸天散香华，翛然灵风起。
宿愿定命根，故致高標拟。观乐太上前，万劫犹未始。
嵯峨玄都山，十方宗皇一。岌岌天宝台，光明焰流日。
炼灿玉林华，蒨粲曜珠实。常念餐元精，炼液固形质。
金光散紫微，窈窕大乘逸。

俯仰存太上，华景秀丹田。左顾提郁仪，右盼携结璘。
六度冠梵行，道德随日新。宿命积福应，闻经若至亲。
天挺超世才，乐诵希微篇。冲虚太和炁，吐纳流霞津。
胎息静百关，寥寥究三便。泥丸洞明景，遂成金华仙。
魔王敬受事，故能朝诸天。皆从斋戒起，累功结宿缘。
飞行凌太虚，提携高上人。

控轡适十方，旋憩玄景阿。仰观劫刃台，俯盼紫云罗。
逍遥太上京，相与坐莲华。积学为真人，恬然荣卫和。
永享无期寿，万椿携奚足多。

大道师玄寂，升仙友无英。公子度灵符，太一奉洞章。
舍利曜金姿，龙驾欵来迎。天尊盼云舆，飘飘乘虚翔。
香花若飞雪，纷霭茂玄梁。

头脑礼金阙，携手邀玉京。骞树圆景园，灿烂七宝林。
天兽三百名，师子巨万寻。飞龙踞躅吟，神凤应节鸣。

灵风扇奇华，清香散人衿。

自无高仙才焉能耽此心。

严我九龙驾，乘虚以逍遥。八天如指堂，六合何足辽。

众仙诵洞玄，太上唱清谣。香花随风散，玉音成紫霄。

五苦一时进，八难顺经寥。妙哉灵宝囿，兴此大法桥。

天真帝一宫，蔼蔼冠耀灵。流焕法轮纲，旋空入无形。

虚皇村云璈，众真诵洞经。高仙凜手赞，弥劫保利贞。

至真无所待，时或饬飞龙。长斋会玄都，鸣玉叩琼钟。

十华诸仙集，紫烟结成宫。宝盖罗太上，真人把芙蓉。

散花陈我愿，握节征魔王。法鼓会群仙，灵唱靡不同。

无可无不可，思与希微通。

次北向，诵礼经颂三首。其辞曰：

乐法以为妻，爱经如珠玉。持戒制六情，念道遣所欲。

淡泊正炁停，萧神静默。天魔并敬护，世世受大福。

郁郁家国盛，济济经道兴。天人其愿，缥缈入大乘。

因心立福田，靡靡法轮升。七祖生天堂，我身白日腾。

大道洞玄虚，有念无不契。炼质入仙真，遂成金刚体。

超度三界难，地狱五苦解。悉归太上经，静念稽首礼。

每诵步虚一首讫，弟子唱善散花，礼一拜毕，唱三礼曰：

至心稽首礼太上无极大道。

至心稽首礼三十六部尊经。

至心稽首礼玄中大法师。

次平坐，弟子向师伏，师说元始禁戒，弟子句句唱诺，弟子某甲自称名，师告：弟子唱诺三言之。

《元始赤书五篇真文》，上清自然之书，九天始生之灵空洞之章，成天立地，开张万真，安神镇灵，生成兆民，匡御运度，保天长存。上制天机，中检五灵，下策地祇，啸命河源，运役阴阳，召神使仙。此至真之文，妙应自然，致天高澄，使地固安，五岳保镇，万品存焉。元始刻题上帝灵都之馆，累经劫运，而其文保固天根，无有毁沦，与运推迁，混之不浊，秽之愈清，毁之不灭，灭之极明。大有之文，天真所尊，自非勒名帝图，刻简来生者，斯文隐秘，莫得窥闻。有得之子，与三炁长存，勤行其法，克致神仙。但精心躬奉，家国安宁，保命度灾，扫诸不祥。天子侯王奉之，致国太平，凶寇自夷，边域不争，兆民歌唱，普天兴隆。运推数周，正道当行，有得之者，庶招自然，天真妙重，九天所秘，不得轻泄，考罚尔身。若弟子应传经者，年限虽未盈五八，皆令法信充备，依黄篆为三师，开度弟子一十九人，功德满足，然后得传宝诀，不得非师，私相教授。若违科妄泄，无盟而传，师受四极之考，七祖同沦地岳，万劫不原。可不慎之，可不慎之，尔其信焉。

毕，弟子起礼三拜，还伏。次授六誓文曰：

一誓不轻泄，二誓不猥慢，三誓不妄传，四誓不口说，五誓不触经禁，六誓不受财卖道。

天尊六誓以质人心，人心既固，道心亦真，不得违誓越盟，永受风刀。说誓之时，先捻香，弟子一手指天，男左女右。毕，弟子礼六拜，师立，诵曰：

真道高妙，应感则宣，丹心恳至，有恻上玄，紫文炼质，神金制魔，豁落威灵，佩之神仙，今启传付，誓勿妄言，宝秘真降，泄必祸臻，天科严峻，尔其奉焉。

毕，弟子又礼六拜。

次师简授弟子法位曰：太上灵宝无上洞玄弟子某岳先生某甲。弟子长跪受毕，退合简端身，称之礼本师，九拜，三起三伏，肘行膝步。讫，左行东面，向西礼，再礼；次北，次东，次南，各再礼，日朝四极。还复位，礼监度三师，各三拜。次还读前谒十方版及五师版，依前面方所，唯五师向西。毕，长跪大谢，弟子叩头，搏颊无数。其辞曰：

太上灵宝无上洞玄弟子，某岳先生臣某等，今故烧香叩头，归身归神归命十方无极太上灵宝天尊，十乡诸灵官已得道至真诸君，丈人，三十六部尊经玄中大法师，太上玄一三真人，太极高玄法师，三天大法师正一真人，及三界表里一切神灵。臣等以今传授弟子某甲，登坛告盟，希仰太上众尊济度之恩，原赦臣某师从弟子等，自从缘起有身父母，依因一切眷属，及得某等千罪万过，并令传授。置斋以来，逮乎兹日，违科犯法，进止失仪，呼名乖性，尊卑越次，付度差违，特乞大慈开宥，不见罪罚。伏愿恩流即时，威播今日，且今日宝珠之口，有无殃众登宝珠之上，获参胜侣，乃超虎涧而同至，越龙山而俱到，证因四果。果於向者克成五愿，愿偶今时。所谓珠口不知盈满，水火无以烧沉，故今辰男女仰慕凤轮，远期龙驾。凡此智友，既各父元父之父，同一玄一之一，愿五眼报勤，三明赏德，功聘喜泰二勤畅休欢，恩寝死符，福播生录。永始元始之歌谣，长卒不卒之庆扑。各使餐能命算，食辨形体，佑盖尊卑，卫活长少，天保信向之男，法护至到之女。女果紫简，男谐玉牒，不朽与赤甫争能，得道共山图而竟解，祸路承此同灭，福阶因慈各兴。帝主延昌，爱民治国，三归共往，四教俱来。狱厄长免，因缘永绝，灾恼不起，衰患勿生。其诸此外，随愿各刻，求官得官，求贵得贵，求道得道，求真得真。所愿悉谐，所欲咸遂，道成天地，功济生灵，遍为诸天日月星宿、山川岳渎、龙王鸟王、兽王虫王、万物神王、一切天王，在在处处天神地神、山水灵祇、里域官长、凡诸营卫一切吏兵，并愿即时旋转，俱登妙胜。即愿七元安度，四象无愆，天见喜祥，地表灵瑞，山开宝牒，河出龙图，五芝绿草，遍布郊野，四方清静，天下太平。无边功德，逮及监临官对，执劳随喜，并观听男女，一蒙有缘，同享上福，冥资六道，庆被四生，五苦三恶，含灵有识，咸蒙荡沐，冠带天衣，适乐自在，长结善缘，永为法侣，从此不退，得道为期。至於坛主盟身某，五文入体，玉符养质，神真卫命，天书感瑞，八会应图，六度常持，四行无缺，五通仙举，十转飞腾，金刚净体，克隆圣果，稽首十方，常住三宝。

次师诵三徒五苦辞曰：

三才及万物，倚伏各有龄。终始待劫数，福尽天地倾。

往反於五道，苦哉更死生。辗转三徒中，去来与祸并。

大贤慎兹诫，忍性念割情。愚夫不信法，罪痛常自婴。

吾念世无已，今故重告明。若欲度斯患，归命太上经。

罪福不由他，谅自发尔声。大贤故闭口，欲绝诸恶缘。

灭念归兼至，倚伏待长泯。弘道以安世，终当见正真。

淫嫉为祸首，灭身之至患。含养如此害，岂是道所安。

知恶而不革，恐必致夭残。怀毒日斋直，令我发长叹。

宿命有信然，弱丧谓之无。皆欲眼前见，过目即言悠。

大贤明道教，惨戚愍顽夫。依依念子苦，勤勤令我忧。

人命以消尽，亦犹膏中火。四大暂相寓，五物权时假。

盛年当勤学，趣求存吾我。福尽身神散，冥冥地狱下。

上圣畏是故，寻道度斯祸。学仙行为急，奉戒制情心。

虚夷正气居，仙圣自相寻。若不信法言，胡为栖山林。

大贤乐经戒，受之为身宝。就学常苦晚，治身恨不早。

比当披幽赜，倏歎年已老。执卷吸尔极，将更死痛恼。

吾故及弱龄，弃世以学道。

次法师还向东，口启言功，复官。泰玄都正一平炁系天师阳平治左平炁臣某，稽首再礼，上言：谨按文书，臣素胎生肉人，禀命有幸得，生法门，被蒙大圣曲逮隆重，得叨妙法内外真要，长生度世不死之道，仰参上清三洞宝经升霞之卫，恩润重沓，莫之与比。道重人轻，非臣臭骨所可当荷，辜负天官，若无首领。臣以今即日，登此山岭，授度宝经与弟子某甲，出身中三部八景神仙骑乘，飞天神仙功曹，传言奏事小吏，关启五帝、五岳土地灵山里域真官注炁，监察授度，并见营卫。皆是众官佑护之功，不胜受恩，谨为一切众官拜言功口章上闻。愿上官典者，乞垂矜省，原赦臣前后所犯万没之罪，赐臣身得度千灾万厄之中，请为侍经玉童玉女，内外监察考召君吏、四野九野四面真官、土地灵山五帝、五岳上真，臣身三部八景飞天神仙功曹，天官骑乘，十方营卫众官，并及前后行来诸所经历，传授宣化，心口求愿，佑助之功，一切谒还天曹，加官进爵，言功举迁。上功三千等，中功二千等，下功一千等。书佐小吏，吏兵士卒各五百等，还入中宫。上官典者，以时给与，悉令均平，无使遗脱恚恨者。受功事讫，各还所职，营护臣身，禳却千灾毒，公私口舌，恶人谋议，一切伏匿绝灭太阴之中。受恩无地，以为效信。恩惟太上分别求哀臣愚，谨因内外众官真使、正一功曹、左右官使者、阴阳神决吏、科车赤符吏、刚风骑置驿马上章吏、飞龙骑吏官，各十二人出，奉操臣拜上言功口章一通，上诣三天曹，伏须告报。臣某诚惶诚恐，稽首再礼以闻。

臣姓属某府某悬某观。

太清銜位

太岁

臣告盟事讫，所请天灵地神，谒还九天，随宜进叙，臣身中玉虚真炁功曹使者、神仙乘骑，各按常次，从紫府玉阁妙门金户而入，周身匝体，缠绕百脉骨节，内填仙炁，外截邪源，炼魂保精，早得飞行。神仙羽骑径升帝宸。咽二十四炁止。

次法师复炉，祝曰：

香官使者、左右龙虎君、侍香诸灵官，当令此间传授之所，自然生金液丹碧芝英，百灵众真，交会在香案前，令臣得道，克获上仙。弟子某甲等受福，内外家口蒙恩，十方仙童玉女，侍卫香烟，传奏臣向来言请，径至玉皇上帝几前。

次诵奉戒颂

道为无心宗，一切作福田。一止功无定准，本愿各由人。虚己应众生，注心莫不均。大圣崇正教，亦由雨降天。高凌靡不周，常卑故成渊。海为百川王，是能舍龙鳞。万劫保智用，岂但在厥年。奉戒不暂亏，世世善结缘。精思念大乘，会当体道真。

还戒颂

天尊大慈悲，说戒度众生。威德被幽显，果报感真灵。诸天来稽首，群魔自束形。过去超八难，见在保千龄。斋福行当息，相共送虔诚。流梵逸云唱，飞香杂烟馨。琼凤乘丹辇，金龙驾绿辇。生死皆快乐，家国悉安宁。

毕，师弟子绕坛梵咏还。事了。亦可复炉前，於皇坛上行腾天藉地竟，师弟乃梵咏，出西北九天门，勿回顾也。藉地解形符，青书白素上，腾天遁变符，黄书碧绶上。亦有师云，未言功前，行之毕，次引弟子北向朝太上玉宸四拜，次东向谒大帝君再拜，次南向礼高上真人再拜，次西向拜天师张君再拜，次三日弟子言功，设斋谢恩，仪在别卷。次弟子於坛本命之方投简法，次东向叩齿三通，上香祝曰：

无上三天玄元始三炁太上老君，召出我身中三五功曹、左右官使者、左右捧香驿龙骑吏、侍香玉童、侍香玉女、五帝直符、直日香官，各三十六人出。关启此间土地、四面真官正神，我今正尔烧香关启，愿得太上十方正真之炁入我身中，令所启上闻，径御无上至真大圣尊神玉帝几前。

毕，回向王叩齿十二通，读简竟，祝曰：

天开地张，九炁分灵，三元同符，十方玄清，五老上帝，开真领生，丹书赤文，元始上精，普告无上，九土皇灵，今日上吉，万仙定生，我愿我仙，请投玉名，土府太皇，勒除罪形，奏简上宫，列簿华青，早得飞升，天地同灵，九祖种亲，腐骸更荣，魂升南宫，受化仙庭，今日告命，万神咸听，请以金钮，表明至情，请如所告，金龙驿程。

毕，上香复炉，如上法。

元始灵宝告九地土皇，灭罪言名求仙上法。灵宝赤帝先生女云道士，某甲年若干岁，某月生，命系九天南斗领籍。解曰：此文云赤帝者，是本命丙午，命系九天者，是正月二日生，南斗领籍，犹取本命之方，余效此。愿神愿仙，长生度世，飞行上清，中皇九土，戊己黄神，土府五帝，乞削罪录，勒上太玄，请诣中宫，投简记名，金钮自信，金龙驿传。

太岁某子某月某子朔某日某子，於某府州县乡里中告文。

右朱书银简，青纸裹之，青丝缠钮九只，金龙一枚，埋所住中宫。

次谒版，刺版并埋坛之当方。亦可投山洞渊泉中，勿令人得之。凡简长一尺二寸，阔二寸四分，厚三分。

登坛法信如左：

金钱二万四千，听以铜钱宝物准当。上金九两。五色缯纹各一疋。大席五领。合和香五奩二斗五升。五香炉。七章案。绛纹巾一枚。五尺挟复碧纹巾一枚。五尺挟复五彩杂散花一斗。本命缯，随年尺数。

正月、二日生，则青天领籍，炁系九炁天君。

四月、五月生，则丹天领籍，炁系三炁君。

七月、八月生，则素天领籍，炁系七炁天君。

十月、十一月生，则玄天领籍，炁系五炁天君。

三月、六月、九月、十二月生，则黄天领籍，炁系一炁天君。

随度事月

正月、二月，则云今於三炁天中。

四月、五月，则云今於三炁天中。

七月、八月，则云今於七炁。

十月、十一月，则云今於五炁天中。

三月、六月、九月、十二月，则云一炁天中。

太上洞玄灵宝授度仪竟